

# Atortunik innaallagissamik ingerlatsilinnik ingerlatsinermi isumannaallissaneq pillugu Namminersorlutik Oqartussat nalunaarutaat

6, imm 1 naapertorlugu Sanaartukkat innaallagissamut atugassat, innaallagissamut ikkussuinerit aamma atortut innaallagiatortut pillugit Inatsisartut peqqussutaat nr. 12, 3. november 1994-imeersumi, Inatsisartut inatsisaanni nr. 19, 12. juni 2019-imeersumi allanngortinneqartumi, Innaallagissiornermut Oqartussanit aalajangersaneqassaaq:

## Kapitali 1

### *Atuuffia aamma nassuiaatit*

#### *Atuuffia*

§ 1. Nalunaarut manna atuuffia tassaavoq, atortunik innaallagiatortunik ingerlatsineq aamma innaallagissamik sakkortuumik pingaarnernik ikkussuineq.

*Imm. 2.* Nalunaarut atuutinngilaq sanaartukkanik innaallagissamik nioqqutissiornermut atorineqartussanik aamma innaallagissamik nukissiamik toqqorsivinnik ingerlatsinermit aamma sullissinermit, taakkua nalinginnaasumik 1000 V ac imaluunniit 1500 V dc angullugu tikillugulu sarfaqarpata, nalunaarutassiaq innaallagiatortunik ikkussukkanik suliaqarnermi aamma ingerlatsinermi isumannaallisaaneq naapertorlugu ingerlanneqarpata.

#### *Isumannaallisaanermut piumasaqaatit*

§ 2. Atortut innaallagiatortut suliarineqassapput aamma ingerlatinneqassapput imatut, taakkua inunnut, uumasuutitut imaluunniit illunut navianartorsiortitsisinnaajunnaarlugit.

#### *Nassuiaatit*

§ 3. Nalunaarut imatut paasineqassapput:

- 1) Mianersoqqusilluni nalunaaqutsiineq: Allagartat imaluunniit erfalasut sarfalinnik peqarneranik sissueq-qusisut.
- 2) Suliaqarnek: Allanguinerit, sanaqqiinerit aamma nutarterinerit suugaluartut tamarmik.
- 3) Sarfap ingerlaarfiata eqqaani suliaqarnek: Suliaqarnermik ingerlatsineq tassani inuk timimi ilaa, sakkut,

atortut imaluunniit atortussiat atorlugit qanillilluni suliaqartoq, taamaattorli navianartorsiorfiusumut pin-nani.

4) Atortuni sarfalinni suliaqarneq: Suliaqarnermik ingerlatsineq tassani inuk timimi ilaa, sakkut, atortut i-maluunniit atortussiat atorlugit ilisimallugu sarfallit ilaannik atuisoq imaluunniit navianartorsiorfiup ilua-niittoq.

5) Suleqatigiit: Inuit marluk imaluunniit amerlanerusut taakkununga ilaalluni suleqatigiinnik aqutsisoq (holdleder) ataatsimoorlutik suliffigisami suliaqarnermik ingerlatsisut.

6) Suliaqarnermi nunamut atassusiineq: Suliffigisami nunamut ikkussineq aamma attuutsitsilluni attavee-rutitsineq (kortslutning) imaluunniit kabelinut atortut aamma ledningit silaannakkoortut akornanni nuna-mut ikkussineq aamma attuuttoortitsineq, kabelinut atortunik suliaqartussaannermut tunngatillugu.

7) Sulinermik aqutsisoq: Inuk ilisimasaqartoq allaganngorlugu toqqarneqarsimasoq aqutsisussatut aamma suliaqarnermik ingerlatsinerup eqqortuuneranik nakkutilliisussatut.

8) Suliaqarnermik ingerlatsineq: Ataatsimoortumik taaguusersuut sarfaqanngitsumik suliaqarnermut, sar-faqartunik suliaqarnermut aamma sarfallit ilaasa eqqaanni suliaqarnermut. Tamatumunnga ilaapputtaa a-serfallatsaaliuilluni suliaqarnermi periuseq.

9) Assiaqut: Illersuutissatut atortoq iserfissanit nalinginnaasunit tamanit toqqaannartumik attuinissamut illersuutaasoq. Taanna tassaasinnaavoq atortut innaallagiartortut aalajangiullugu ikkunneqarsimasoq.

10) Illersuutissatut atortut: Assersuutinut, assiaqutinut, attuutitsinaveersaarluni matoorutaasunut aamma qalilersuinernut ataatsimoortumik taaguusersuutit.

11) Ingerlatsinermik ingerlatitsineq: Ingerlatsineq tassani siunertarineqarluni atortut innaallagiartortut innaallagissamik atuinerannik allanngortitsinissaq.

12) Inuk ingerlatsinermit akisussaasuusoq: Suliffeqarfimmi ingerlatsinermit akisussaasuusumi aamma I-naallagissiornermit Oqartussaasunit akuerineqarsimasumik sulisoq, taassuma qulakkiissavaa suliatigut piginnaasat pisariaqartut atortunik innaallagiartortunik ingerlatsinermit tunngatillugu.

13) Suliffeqarfik ingerlatsinermit akisussaasuusoq: Suliffeqarfik atortunik innaallagiartortunik ingerlatsi-nermik isumaginnittoq.

14) Ingerlatsinermi periutsit: Ingerlatsinermi ingerlatat aamma ingerlasunik nakkutilliinermit ataatsi-moortumik taaguusersuut. Ingerlatsinermi periuseq tassaasinnaavoq suliaqarnermi periuttip ilaa.

15) Atortut naaffiani nunamut attavinnik ikkussineq: Atortut nunamut attaviinik ikkussineq aamma at-tuutsitsilluni attaveerutitsineq (kortslutning) immikkoortitsiviup eqqaani, sarfamik immikkoortitsivimmi i-maluunniit atortut sarfallit aamma sarfaqanngitsut akornanni immikkoortitsivimmi.

16) Navianartorsiorfiusinnaasup killinga: Sarfamik DL-imik ingerlaarfigineqartumik suliaqarfiup eqqaani killiffik. Sarfamik ingerlaarfigineqartup ilai eqqaaniittoq tassani tapiinnaallisaanerup annertussusia innaal-lagissamit navianartorsioortitsineqarsinnaanermit naammannani, soorlu inuit taanna qarsuppassuk ima-luunniit sumiiffimmut appakaallutik, tak. ilanngussaq 2.

17) Ingerlasunik nakkutilliineq: Ingerlatsineq tassani siunertaalluni atortup qanoq inneranik nakkutilliineq, kiisalu qulakkiissallugu teknikumt piumasaqaatit tunngavigalugu ajunngitsumik ingerlanera.

18) Suleqatigiinnik aqutsisoq (holdleder): Inuk paasisimasalik allaganngorlugu toqqarneqarsimasoq aqut-sisussatut aamma suliaqarfimmi suliap ingerlanneqarneranik nakkutilliisussatut.

19) Inuk ilitersuunneqarsimasoq: Inuk ilitersorneqarsimasoq inummik paasisimasalimmik, taamaalilluni pineqartoq navianartunik innaallagissap pilersissinnaasaanik pinngitsuuisinnaanngorlugu.

20) Iltersuut: Inummik ingerlatsinermit akisussaasuusumit allaganngorlugu nalunaarut, tassani erseq-

qissaatigineqarluni suliassaq aalajangersimasooq kimit suliarineqassanersoq, imaluunniit ingerlatsineq aalajangersimasooq kiap isumagissaneraa pillugu.

21) Ilitsersuineq: Oqaasiinnartigut imaluunniit allaganngorlugu nassuiaassut ingerlatsinermi imaluunniit sulinermi periusissaq qanoq suliarineqarnissaa pillugu, imaluunniit isumannaallisaanermut tunngatillugu eqqortumik periuseqarnissaq pillugu nassuiaassut.

22) Attuutitsinaveersaarluni assiaqusiineq: Utaqqiisaagallartumik illersuutissamik aaqqiineq nalinginnaasumik qaliusamik imaluunniit saattukujuumik attuunnaveersaakkamik, taassuma pinngitsoortissavaa sarfallit ilaasa attuunnaveersaaserneqanngitsut imaluunniit sarfaqanngitsut ilaasa eqqaanni inuit suliaqarnerminni navianartorsiorfusinnaasup killinginut piaarinatik attuuttoornissaat.

23) Atortut innaallagiartortut nunamut attavii: Attavik nunap aamma atortumi aqquit ataatsip imaluunniit arlallit akornanni nunamut attavilerneqarnerat.

24) Atortut innaallagiartortut nunamut attavilerfiat: Sumiiffik atortut innaallagiartortut nunamut attavilerneqarfiat aamma attuutsitsilluni attaveerutitsiffigineqartoq.

25) Ikkussisarnermut aqutsisoq (koblingsleder): Inuk paasisimasalik allaganngorlugu toqqarneqarsimasooq atortut innaallagissamik sakkortuumik sarfallit ikkunneqarnissaannik aamma qanoq ingerlaneranni nakkutilliisussatut, tamatumunnga ilanngullugu ikkussinermik aqutsineq atortut innaallagissamik sakkortuumik sarfalinnik imaluunniit eqqaanni suliaqarnermut atatillugu.

26) Inuk ikkussisartoq (koblingsperson): Inuk paasisimasalik allaganngorlugu toqqarneqarsimasooq imaluunniit ikkussisarnermut aqutsisumik peqquneqarnermigut atortut innaallagissamik sakkortuumik sarfallit ikkunneqarnissaannik suliaqartartoq.

27) Ingerlatsinerup pitsaassusianik qulakkeerinninnermut atortoq: Atortoq tassaasooq periutsinik aamma uppersaassersuutininik ilaqartoq qulakkeerinnittusaaq, atortut innaallagiartortut inunnut, uumasuutininut imaluunniit illuutininut ajoqusiisinaanatik ingerlanissaannik. Atortoq tassaasinnaavoq Pitsaassutsimik Aqutsinermut atortoq (KLS)/Pitsaassutsip Isumannaatsuunissaanik aqutsisut (SKS), imaluunniit atortoq atortut taakkua marluk arlaannut assingusooq.

28) Qanillattorfusinnaasup killinga: Sumiiffik navianartorsiorfusinnaasup killingata avataaniittoq DV, tak ilanngusaaq 2.

29) Innaallagissamik sakkortuumik sarfallit ikkussukkat pingaernerit: Ikkussukkat innaallagissamik sakkortuumik sarfalinnik atortumit toqqaannartumik pilersorneqartut.

Suliassat ingerlanneqartarnerat: Ingerlatsinermi suliassat aamma suliaqarnermi suliassat ingerlanneqartarnerat pillugit ataatsimut oqariaaseq.

31) Inuk paasisimasalik: Inuk tulluurtumik ilinniagalik, ilisimasalik aamma misilittagalik tamakku tunngavigalugit pineqartoq nalorninartunik misissuseqqissaarsinnaavoq navianartunillu innaallagissap pilersissinnaasaanik pinngitsoortitsilluni.

32) Isumannaallisaanermut ungasissuseq: Ungasissuseq silaannakkut uuttorlugu atortut sakkortuumik innaallagiallit sarfaqartut suliarineqarneranni imaluunniit qanillinerani qulakkeerinninnermut aalajangerneqartartoq, inuit suliassamik suliarinnittut sarfallit illersuutitaqanngitsut eqqaannut navianartorsiorfusup killinganut siunertaanngitsumik tamatumunnga peqqunagit.

33) Isumannaallisaanermut inuttaasooq: Suleqatigiit akornanni inuk paasisimasalik suleqatigiinnik aqutsi-  
sumit toqqarneqartoq isumannaallisaanermut ungasissusissap eqqortinneqarnerani nakkutilliisussatut.

34) Assiaqut: Utaqqiisaagallartumik illersuutissamik aaqqiineq taassuma pinngitsoortissavaa sarfallit attuunnaveersaaserneqarsimasunut imaluunniit attuunnaveersaaserneqarsimanngitsunut atortunut sunul-

luunniit imaluunniit atortut innaallagiartortut ilaannut isernissaq, tassa tamaani innaallagissamik navianar-torsiorfusinnaasumut.

35) Stationeqarfik: Sumiiffinnut innaallagiartortunik atortoqarfusunut ataatsimoortumik taaguusersuut.

## **Kapitali 2**

### *Nalinginnaasunik atuineq*

**§ 4.** Atortunik innaallagiartortunik ingerlatsinermit nalinginnaasumik malittarisassaq EN 50110 Drift af elektriske installationer og elektriske anlæg (Ikkussukkanik innaallagiartortunik aamma atortunik innaallagiartortunik ingerlatsineq) nalunaarummut matumunnga ilanngullugu atorneqarsinnaavoq, taamaaliornikkut § 2-mi isumannaallisaanermut piumasaqaat eqqortinneqartutut isigineqassaaq.

*Imm. 2.* Nalinginnaasumik malittarisassaq EN 50110 atorneqanngippat imaluunniit ilaannaa atorneqarluni taava atortumik innaallagiartortumik piginnittup uppersaasissavaa, aqqiinermit toqqarneqartumi isumannaallisaanerup annertussusia minnerpaamik nalinginnaasumi EN 50110-misut isumannaallisaanertut annertutigisoq, taamaaliornikkut § 2-mi isumannaallisaanermut piumasaqaat eqqortinneqartutut isigineqassaaq.

*Imm. 3.* Uppersaasersuut, tak. imm. 2, ingerlatsinermit pitsaassutsimut qulakkeerinninnermut atortumi toqqorneqarsimassaaq, tak. ilanngussaq 1, immikkoortoq VI, normu 3.

### *Tamanut saqqummiussineq*

**§ 5.** Malittarisassaq EN 50110 nalunaarummi matumani innersuunneqartoq, Dansk Standard aqqutigalugu pisiarineqarsinnaavoq imaluunniit Innaallagissiornermut Oqortussani misissorneqarsinnaalluni.

## **Kapitali 3**

### *Atortut innaallagiartortut ingerlanneqarnerannik isumaginninneq*

**§ 6.** Atortunik innaallagiartortunik piginnittup atortumit ingerlatsineq suliffeqarfimmut ingerlatsinermit akisussaasuusamut isumagitissavaa, tassannga inuk ingerlatsinermit akisussaasuusoq atorfinitsineqassaaq Innaallagissiornermut Oqartussanut nalunaarutigineqarsimassalluni, tak. § 13.

*Imm. 2.* Suliffeqarfik ingerlatsinermit akisussaasuusoq, tak. imm. 1, tassaassaaq atortumik innaallagiartortumik piginnittoq taanna suliffeqarfuguni, imaluunniit suliffeqarfik atortumik innaallagiartortumik piginnittup isumaqatigiisummik atsioqatigisimasaa.

### *Ingerlatsinermit isumaginninneq pillugu nalunaaruteqarneq*

**§ 7.** Suliffeqarfiup atortumik innaallagiartortumik ingerlatsinermit akisussaasuusup Innaallagissiornermut Oqartussanut nalunaarutigissavaa, suliffeqarfiup atortumik innaallagiartortunik tassaalluni suliffeqarfik ingerlatsinermit akisussaasuusoq, tak. § 6.

*Imm. 2.* Nalunaarummi ersersinneqassaaq, tak. imm. 1, suliffeqarfiup inuk kina ingerlatsinermut akisussaassuseqartutut atorfinitsissimaneraa.

**§ 8.** Innaallagissiornermut Oqartussat nalunaarut, tak. § 7, tigoreerunikku, taava Innaallagissiornermut Oqartussat atortunik innaallagiartortunik piginnittumik uppersaasat nassiutissavaa, tassani nalunaarlugu suliffeqarfik sorleq atortumik ingerlatsinermut akisussaasuusutut suliffeqarfittut nalunaarutigineqarsimanersaq.

*Imm. 2.* Innaallagissiornermut Oqartussat nalunaarut, tak. § 7, tigoreerunikku, taava Innaallagissiornermut Oqartussat suliffeqarfimmut atortunik innaallagiartortunik ingerlatsinermut akisussaasuusumut uppersaasat nassiutissavaa, tassani nalunaarlugu suliffeqarfimmi inuk kina ingerlatsinermut akisussaasuusutut nalunaarneqarsimanersaq.

#### *Allanngortitsisoqartillugu paasissutissiinissamut pisussaaffik*

**§ 9.** Atortunik innaallagiartortunik piginnittup Innaallagissiornermut Oqartussanut makku nalunaarutigissavai:

Atortunik innaallagiartortunik suliffeqarfik ingerlatsissusatut akisussaasuusaq allanngorpat. Atortunik innaallagiartortunik piginnittumut tunngatillugu allanngortoqarnera.

*Imm. 2.* Pisussaaffik imm. 1 normu 2 naapertorlugu, atortunik innaallagiartortunik siusinnerusukkut piginnittup aamma maannakkut piginnittup pisussaaffigaat.

**§ 10.** Suliffeqarfiup atortunik innaallagiartortunik ingerlatsinermut akisussaasuusup Innaallagissiornermut Oqartussat ilisimatissavai inuup ingerlatsinermut akisussaasuusup atorfeqartitaaneranut allannguutitut tunngatillugu.

#### *Immikkut akuerineqarneq*

**§ 11.** Suliffeqarfiup atortunik innaallagiartortunik ingerlatsinermut akisussaasuusup qinnuteqaateqarnera naapertorlugu Innaallagissiornermut Oqartussat immikkut akuerineqarneq nalunaarutigisinnavaa inummik ingerlatsinermut akisussaasuusumik atorfeqartitsinissamut piumasaqaammut tunngatillugu, tak. § 5.

*Imm. 2.* Immikkut akuerineqarnissamut qinnuteqaat Innaallagissiornermut Oqartussanut tunniunneqassaaq.

*Imm. 3.* Immikkut akuerineqarnissamut, tak. imm. 1, qinnuteqaateqarnermi suliffeqarfiup atortunik innaallagiartortunik ingerlatsinermut akisussaasuusup ilisimatitsissutigissavaa, suliffeqarfiup qanoq iliorluni qulakkeerniarnerlugu piffissap immikkut akuerineqarfusup ingerlanerani ingerlatsineq qanoq isumagineqassanersaq.

*Imm. 4.* Immikkut akuerineqarneq, tak. imm. 1, piffissami qaammatit 3-t angullugit sivisussusilimmik tunniunneqarsinnaavoq, tamatumunnga tunngavigineqassaaq suliamut tunngatillugu ataatsimoortumik nallersuineq.

*Imm. 5.* Innaallagissiornermut Oqartussat immikkut akuerineqarnermut, tak. imm. 1, tunngatillugu atugassarititaasunik aalajangersaasinnaapput.

## Kapitali 4

### *Inuup ingerlatsinermut akisussaasuusup nalunaarutigineqarnera*

#### *Piginnaasat*

**§ 12.** Inuit ingerlatsinermut akisussaasutut akisussaaffimmik tunineqarsinnaasut tassaapput:

- 1) Inuit innaallagialerinermut ingenioritut naammassillutik soraarummeernerminni angusisimasut atortut innaallagiartortut pillugit tulluurtumik immikkut sammisaqarsimasut.
- 2) Inuit inuttut akuersissummik pisaarsinnaasut suliffeqarfimmi innaallagissamik aqqusersuisutut akuersissuteqartumi aamma atortunik innaallagiartortunik ingerlatsinermik tulluurtumik misilittagaqarnermik uppersaattillit.
- 3) Inuit ingenioritut naammassillutik soraarummeernerminni angusisimasut atortunik innaallagiartortunik ingerlatsinermik tulluurtumik atuarsimanermikkut ilisimasaqartut aama iviusumik misilittagaqarnerminnik uppersaattillit.
- 4) Inuit innaallagialaq sakkortoq pillugu nalunaarummi immikkoortoq 5 naapertorlugu ingerlatsinermi aqutsisutut akuersineqarsimasut.

*Imm. 2.* Innaallagissiornermut Oqartussat pissutsit immikkut ittut tunngavigalugu piumasaqaatinit imm. 1-imi taaneqartunit immikkut akuersissuteqarsinnaapput, tamanna innaallagissamut sillimaniarnermut illersorneqarsinnaasutut nalilerneqarpat.

#### *Nalunaarutiginninneq*

**§ 13.** Inuk atortunik innaallagiartortunik ingerlatsinermut akisussaasuusup pillugu nalunaarut Innaallagissiornermut Oqartussanut ingerlatinneqassaaq.

*Imm. 2.* Nalunaarummi, tak. imm. 1, paasissutissanik makkuninnga ilaqassaaq:

- 1) Aqqi tamakkerlugit aamma inuup normua (cpr-normu),
- 2) sumi najugaqarnera pillugu paasissutissaq aamma e-mailikkut allaffigineqartarfia aammattaaq
- 3) qinnuteqaateqartup piginnaasai pillugit paasissutissat aamma uppersaasersuutit, tak. § 12.

**§ 14.** Inuk ingerlatsinermut akisussaasuusup pillugu nalunaarut Innaallagissiornermut Oqartussanut ingerlatinneqassaaq, uppersaasersorneqarsimappat,

- 1) tassa qinnuteqaateqartoq eqqortunik piginnaaneqarpat inuttut ingerlatsinermut akisussaasuusutut toqqagaanermik ingerlatsinnaasutut, tak. § 12, kiisalu
- 2) qinnuteqaateqartoq nammineersinnaassuseqarpat aamma nakkutigineqartussanngortitaasimannigipat.

*Imm. 2.* Qinnuteqaateqartup atsiornermigut uppersassavaa ukiut kingulliit pingasut ingerlanerini Inatsisartut peqqussutaat nr. 12 imaluunniit taassuminnga aallaaveqartumik najoqqutassanik unioqqutitsimaneq naapertorlugu pineqaatissinneqarsimanerluni.

**§ 15.** Nalunaarutip tiguneratigut Innaallagissiornermut Oqartussanit tigusinermut uppersaasat qinnuteqaateqartumut nassiunneqassaaq.

### *Nalunaarutigisamit itigartitsineq*

**§ 16.** Piumasaqaatit § 12-imiittut inummik ingerlatsinermut akisussaasuusumik toqqaanermi eqqortinneqarsimanerat apeqqutaatinnagu, taava Innaallagissiornermut Oqartussat nalunaarutigineqartoq itigartit-sissutigalugu nalunaarutigisinnaavaat, imatut pisoqarsimatillugu:

- 1) Pineqartoq pillarneqaataasussanik eqqartuussaasimappat aamma inuussutissarsiummik, immikkut o-qartussaasunit akuersissummik imaluunniit akuerneqartussamik, ingerlatsinissamut itigartinneqarsimap-pat.
- 2) Qinnuteqaateqartoq nunami allamik killilersorneqarsimappat pissutsinut normu 1-imi taaneqartunut sanilliunneqarsinnaasunik.
- 3) Qinnuteqaateqartoq atorfimmini imaluunniit siusinnerusukkut suliarisimasamini imatut ileqqulersorsi-mappat, tamanna tunngavigalugu isumaqartoqarsinnaalluni ingerlatsineq isumannaatsumik isumagineqar-sinnaanani.

### *Atorunnaarsitsineq*

**§ 17.** Inuttut ingerlatsinermut akisussaasuusutut nalunaarutiginninneq atorunnaassaaq inuup pineqartup § 14, imm. 1, normu 2-mi piumasaqaat naammassisinnaajunnaarpagu.

## **Kapitali 5**

### *Atortunik innaallagiartortunik piginnittoq*

**§ 18.** Atortunik innaallagiartortunik piginnittup isumagissavaa,

- 1) qulakkiissallugu tamatigut inummik ingerlatsinermut akisussaasuusoqarnissaa suliffeqarfimmi ingerlat-sinermut akisussaasuusumi,
- 2) qulakkiissallugu suliffeqarfiup ingerlatsinermut akisussaasuusup pisinnaatitaanernik peqarnissaa, tassa suliffeqarfiup ingerlatsinermut akisussaasuusup pisinnaatitaanernik pisariaqartunik pigisaqarnissaa.

*Imm. 2.* Uppernarsaasersuutini imm. 1, normu 2-mik, eqqortitsineq pillugu pitsaassutsimut qulakkeerin-ninnermut atortumi ersinnissaa, tak. ilanngussaq 1, immikkoortoq I, normu 2.

**§ 19.** Atortunik innaallagiartortunik pigisaqartup qulakkiissavaa sulisut atortumik innaallagiartortumik i-ngerlatsinermut peqataasut, Innaallagissiornermut Oqartussaasut maleruaqqusaannut attuumassuteqar-tunut aamma nalinginnaasunut attuumassuteqartunut pissarsisinnaanissaat.

**§ 20.** Atortunik innaallagiartortunik pigisaqartup qulakkiissavaa, innaallagiartaqanngitsunik suliaqarneq atortut innaallagiartortut eqqaanni suliaqarnermut isumannaallisaaneq pillugu nalunaarummut tunngatil-lugu, saaffiginnissutit suliffeqarfimmit ingerlatsinermut akisussaasuusumit isumagineqarnissaat.

*Imm. 2.* Saaffiginnissuteqartoqarnerani imm. 1 naapertorlugu suliffeqarfiup ingerlatsinermut akisusaas-suusup ilisimatitsissutigissavai, sumiiffimmi suliaqarfusussami atortut innaallagiartortut suut naammat-tuugassaanersut.

## Kapitali 6

### *Suliffeqarfik ingerlatsinermut akisussaasuusoq*

#### *Ataatsimut isigalugu*

**§ 21.** Suliffeqarfik atortunik innaallagiartortunik ingerlatsinermut akisussaasuusoq inummik ingerlatsinermut akisussaasuusumik atorfeqartitaqassaaq, taannalu Innaallagissiornermut Oqartussaasunut nalu-naarutigineqarsimassalluni, tak. § 13.

**§ 22.** Suliffeqarfik ingerlatsinermut akisussaasuusoq periusissamik suliaqassaaq, inuup ingerlatsinermut akisussaasuusup suliaasa isumagineqarnissaata qulakkeerneqarnissaanut tunngatillugu, tassa inuup ingerlatsinermut akisussaasuusup peqannginnerani.

*Imm. 2.* Periusissaaq, tak. imm. 1, pitsaassutsimut qulakkeerinninnermut atortumi toqqortarineqassaaq, tak. ilanngussaaq 1, immikkoortoq II, normu 1.

**§ 23.** Suliffeqarfup atortunik innaallagiartortunik ingerlatsinermut akisussaasuusup qulakkiissavaa, inuup ingerlatsinermut akisussaasuusup pisariaqartunik pisinnaatitaanissaa, tassa inuup ingerlatsinermut akisussaasuusup suliarinninnissaminut tunngasunik.

**§ 24.** Inuup ingerlatsinermut akisussaasuusup suliffeqarfik ingerlatsinermut akisussaasuusoq suleqatigalugu qulakkiissavai suliatigut piginnaasat pisariaqartut, suliffeqarfup ingerlatsinermut akisussaasuusup atortunik innaallagiartortunik ingerlatsinermut akisussaasuuneranut tunngatillugu. Tamatumunnga ilanngullugit inuup ingerlatsinermut akisussaasuusup inuit imatut atuuttussat; koblingsleder, koblingsperson, suleqatigiinnut aqutsisoq aamma suleqatigiikkuutaanut aqutsisoq toqqassavaa, kiisalu suliarinnittussat (entreprenør) isumaqatigiissuteqarfigisassallugit, aqqutit katinneqarnissaannut isumaqatigiissuteqartassalluni aamma elinstallatøritut suliffeqarfinnut akuersissummik peqartunut akuersissuteqartassalluni.

*Imm. 2.* Suliassat tullinnguuttut taamaallaat inummit ingerlatsinermut akisussaasuusumit suliarineqarsinnaapput:

- 1) Entreprenørinik ingerlatsinerup ilaatut ingerlatsinermik aamma suleriaatsinik ingerlatsinissamut isumaqatigiissuteqarneq, tak. § 44.
- 2) Aqqutit katinneqarnissaannut isumaqatigiissuteqartarneq, tak. § 30.
- 3) Einstallatøritut suliffeqarfinnut akuersissummik peqartunut akuersissummik tunniussineq, tak. § 46.

**§ 25.** Suliffeqarfup ingerlatsinermut akisussaasuusup pitsaassutsimut qulakkeerrinninnissamut atortoq atortunik innaallagiartortunik piginnittup atugassatut inassutigisaa atussavaa.

*Imm. 2.* Suliffeqarfup atortunik innaallagiartortunik ingerlatsinermut akisussaasuusup qulakkiissavaa pitsaassutsimut qulakkeerrinninnissamut atortup suliffeqarfimmi ingerlatsinermut akisussaasuusumi sulisunit tikiqqarsinnaanera aamma atorineqarsinnaaneraa.

*Suliffeqarfik ingerlatsinermut akisussaasuusoq aamma tassani sulisuusut*



§ 26. Suliffeqarfiup atortunik innaallagiartortunik ingerlatsinermut akisussaasuusup qulakkiissavaa atortup ingerlanneqarneranut atatillugu ingerlatsinermi aamma suliaqarnermi periutsit eqqortumik inuttaleqarsimanissaat, tassa sulisut naammattumik ilitersorneqarsimanissaa kiisalu suliap ingerlanneqartup naammaginartumik nakkutigineqarnissaa.

*Imm. 2.* Suliffeqarfiup ingerlatsinermut akisussaasuusup ingerlatsinermi aamma suliaqarnermi periutsit pitsaassutsimut qulakkeerinninnissamut atortoq, atortunik innaallagiartortunik piginnittup atugassatut inassutigisaa, naapertorlugu ingerlanneqarnissaa qulakkiissavaa.

§ 27. Suliffeqarfiup atortunik innaallagiartortunik ingerlatsinermut akisussaasuusup qulakkiissavaa, sulisut periutsinut taamaattunut pisariaqartunik piginnaaneqarnissat, tassa suliffeqarfiup ingerlatsinermut akisussaasuusup suliarisaanut, kiisalu sulisut piginnaasaasa nutarterneqartarnissaat.

*Imm. 2.* Suliffeqarfiup ingerlatsinermut akisussaasuusup qulakkiissavaa sulisut ingerlatsinermik aamma suliaqarnermik periutsinik ingerlatsisut, atortuni sarfalinni imaluunniit taakkua eqqaanni, pisaqartumik annertussusilimmik tamakku pillugit aalajangersakkanut ilitersorneqarnissaat.

§ 28. Suliffeqarfik atortunik innaallagiartortunik ingerlatsinermut akisussaasuusup qulakkiissavaa sulisut, atortunik innaallagiartortunik imaluunniit taakkua eqqaanni suliaqartut, pisaqartumik annertussusilimmik ikiueqqaarnermut pikkorissarnermik ingerlatsisimassasut imaluunniit pikkorissarsimanerminnik utiisimassasut. Taamatuttaaq sulisut ilitersorneqarsimassapput inuk, innaallagissamik ajoqusersimasooq qanoq ikiussallugu namminneq imminnut navianartorsiortinnatik.

§ 29. Suliffeqarfik atortunik innaallagiartortunik ingerlatsinermut akisussaasuusup qulakkiissavaa inuit makkuninnga; koblingsleder, koblingsperson, suleqatigiinnut aqutsisoq aamma suleqatigiikkuutaanut aqutsisoq, isumaginnittussatut toqqarneqartut ima amerlatigissasut, atortunik innaallagiartortunik ingerlatsinermut pisariaqartitsinermut naammassallutik.

*Imm. 2.* Toqqaaneq, tak. imm. 1, allaganngorlugu pissaaq tassani allanneqassalluni pineqartooq sumik isumaginnittussatut suliaqarnissaa.

#### *Atortunik innaallagiartortunik ingerlatsineq*

§ 30. Atortut innaallagiartortut imminnut katinnissaat sioqqullugu, tassani suliffeqarfik ingerlatsinermut akisussaasuusooq tamatuminnga isumaginnittuunngitsillugu, taava suliffeqarfiit ingerlatsinermut akisussaasuusut tamanna pillugu allaganngorlugu isumaqatigiissuteqassapput. Isumaqatigiissummi ilanngunneqassapput atortut killingisa iluanni suleqatigiinnerup nassuiaatigineqarnera, kiisalu atortut qanoq imminnut atassuserneqarnerat isumaqatigiissutigineqassalluni.

*Imm. 2.* Inuit atortunik innaallagiartortunik ingerlatsinermut akisussaasuusut imm. 1 naapertorlugu isumaqatigiissut, suliffeqarfiit ingerlatsinermut akisussaasuusut sinnerlugit, atsiussavaat.

§ 31. Suliffeqarfiup atortunut innaallagissamik sakkortuumik sarfalinnut ingerlatsinermut akisussaasuusup atortup katinneqarnerminni qanoq innerita aamma ingerlanerminni qanoq innerata koblingslederimit nakkutigineqarnissaa aamma misissorneqarnissaa qulakkiissavaa.

**§ 32.** Suliffeqarfiup atortumut innaallagiartortumut ingerlatsinermut akisussaasuusup qulakkiissavaa ini-mi stationiusumi ledninginut skemamik peqarnissaq stationimi atortunut tunngasunik atortut makkua suliarinissaannut tunngatillugu:

- 1) Atortut ingerlanerminni sarfallit 06 kV-mik aamma taanna sinnerlugu.
- 2) Atortunut pisariusumik katinneqarnissaminnut atortulinnik-
- 3) Atortunut marluk sinnerlugit transformerilinnut.

**§ 33.** Suliffeqarfiup atortumut innaallagiartortumut ingerlatsinermut akisussaasuusup qulakkiissavaa makkua suliarineqarsimanissaat:

- 1) atortutut innaallagiartortut allanngortinneqarsimassappata tamakku pillugu uppersaasersuut nutaanngorsarneqarsimasoq,
- 2) attaveqaasiinermut skema nutaanngorsarneqarsimasoq, tassani takussutissiissutigineqarluni innaallagissap sakkortuumik sarfallip attaveqaaserneqarnerata qanoq ittuunera, aamma
- 3) nalunaarusiaq ingerlatsinermi akornutaasimasut pillugit takussutissiisoq, taakkua suunerat aamma piffissaq qanoq taamaalisimanerat aamma iluarsineqarsimanerat.

*Imm. 2.* Nalunaarut, tak. imm. 1, normu 3, sivikinnerpaamik ukioq ataaseq toqqortarineqassaaq.

**§ 34.** Suliffeqarfiup atortumut innaallagiartortumut ingerlatsinermut akisussaasuusup qulakkiissavaa, sakkut, atortut aamma savequtit atortui eqqortutut pigineqarnissaat atortup innaallagiartortup ingerlaneqarneranut atatillugu iliuutsini atorineqartussaasut.

**§ 35.** Suliffeqarfiup ingerlatsinermut akisussaasuusup qulakkiissavaa, atortut aserfallatsaaliorneqarnerat tassa atortumut innaallagiartortumut tamarmiusumut imaluunniit ilaanut tunngasut, taakkua suliarineqarnissaat aserfallatsaaliuinissamut pilersaarut aalajangersagaq imaluunniit fabrikip suliarinnittut innersuusutai naapertorlugit.

**§ 36.** Suliffeqarfiup atortumut innaallagiartortumut ingerlatsinermut akisussaasuusup qulakkiissavaa, sumiiffiit stationeqarfiit siunertamut allamut atorineqannginnissaat, soorlu atortussianut imaluunniit atortunut allanut toqqorsivittut, tassa atortumut ingerlatsinermut attuumassuteqanngitsunik.

*Imm. 2.* Atortumik innaallagiartortumik piginnittoq sumiiffiup stationeqarfiusup siunertanut allanut atorineqarsinnaanera akuersissutigisinnavaa, imaattoqartillugu

- 1) taamatut pisoqarneranut inuup ingerlatsinermut akisussaasuusup navianartoqarsinnaaneranik nalilinnera tunngaviuppat, kiisalu
- 2) inuit isumannaatsuunissaat aamma atortup eqqaani isumannaallissaneq annikillissanngippat.

*Imm. 3.* Suliffeqarfiup atortumut innaallagiartortumut ingerlatsinermut akisussaasuusup qulakkiissavaa, sakkunik, savequtit atortuinik aamma atortussianik sumiiffimmi stationeqarfiusumi taamaallaat inissiisoqarsinnaasoq:

- 1) § 37 naapertorlugu, kiisalu
- 2) taamaaliornikkut stationeqarfimmi atortut suliarineqarnissaat akornuserneqassanngippat imaluunniit ajornarnerulinngippat.

**§ 37.** Suliffeqarfiup atortumut innaallagiartortumut ingerlatsinermut akisussaasuusup qulakkiissavaa, atortumut stationeqarfimmut iserfissat aamma qimaaffissat assersorneqannginnissaat aamma ajornanngit-

sumik sanioqqunneqarsinnaanerat.

**§ 38.** Suliffeqarfiup atortumut innaallagiartortumut ingerlatsinermut akisussaasusup ajutoornerit innaallagissamik tunngaveqartut atortumut attuumassuteqartut ingerlaannartumik Innaallagissiornermut Oqartussaasunut nalunaarutigissavai, tamatumunngalu ilutigitillugu atortumik innaallagiartortumik piginnittoq ilisimatissallugu.

*Imm. 2.* Nalunaaruteqarnermi, tak. imm. 1, paasissutissat tamarmik ilanngunneqassapput, tassa ajutoornerup sumik pissuteqarneranik nalilersuinissamut pingaaruteqarsinnaasut tamaasa ilanngullugit.

**§ 39.** Suliffeqarfiup ingerlatsinermut akisussaasusup atortumik innaallagiartortumik piginnittoq isumannaallisaanermut ajoqutit aamma amigaataasut pingaaruteqartut tamaasa pillugit, tamakku inunnik, uumasuutunik imaluunniit illuutunik navianartorsiortitsisinnaappata.

## **Kapitali 7**

### *Isumannaallisaanermi eqqortumik iliorneq aamma isernissamut killilersuineq*

**§ 40.** Suliffeqarfiup atortumut innaallagiartortumut ingerlatsinermut akisussaasusup qulakkiissavaa, kikkut tamarmik atortumi innaallagiartortumi imaluunniit eqqaani ingerlasut, isumannaallisaanermi eqqortumik iliorneqarsimanissat aamma § 43-imi aalajangersakkanik malinninnissaannik.

*Imm. 2.* Suliffeqarfiup atortumut innaallagiartortumut ingerlatsinermut akisussaasusup sulisut attartorneqartut atortumi innaallagiartortumi imaluunniit eqqaani sulinissamut atorunigut, taava suliffeqarfiup ingerlatsinermut akisussaasusup inuit taakku sulinerminni isumannaatsuunissaat assinganik akisussaaffigai, soorlu suliffeqarfiup nammineq sulisumisut.

*Imm. 3.* Entreprenørit § 44 naapertorlugu aamma suliffeqarfiit elinstallatøritut akuersissuteqarlutik § 46 naapertorlugu suliallit imm. 1-imi ilaatinneqanngillat.

**§ 41.** Suliffeqarfiup atortumut innaallagiartortumut ingerlatsinermut akisussaasusup qulakkiissavaa, sumiiffiit stationeqarfiusut aamma passussinissamut atortut inissisimaffiisa paarnaarneqarsimanissaat, tamatumani nalorninarqarsinnaappat susassaqaanngitsut isersinnaanerat.

**§ 42.** Suliffeqarfiup atortumut innaallagiartortumut ingerlatsinermut akisussaasusup qulakkiissavaa, sumiiffinnut stationeqarfiusunut aamma passussinissamut atortut inissisimaffiannut paarnaarneqarsimasunut inuit isernissaminut akuerineqarsimasut, tassaassut tamatumunnga atatillugu navianarsinnaasunik naammaginartumik ilisimasaqartut.

*Imm. 2.* Matuersaatit tigusisumik allagartamik uppersaaserlugit matuersaatillugu allanut tunniunneqassanngillat.

**§ 43.** Sumiiffinni stationeqarfiusuni ingerlanermi illersuinissamut atortut, tassa sarfallit ilaannik piaarinaatsoorluni atuisinnaanermut illersuutaasutut inissinneqarsimasut, tamatumani atortunik innaallagiartortunik isumannaallisaanermut nalunaarut malinneqarluni, tamakku qaangerneqassanngillat imaluunniit peerneqassanatik. Atortunut innaallagiartortunut najummisutut sanaat majuarfigineqassanngillat.

*Imm. 2.* Kapitali 12-imit 18-imut aalajangersakkat naapertorlugit suliassat ingerlanneqarpata, taava imm. 1 unioqqutinneqarsinnaavoq, suliassat ingerlanneqarnissaat taamaaliornissamut pisariaqartitsippata.

## **Kapitali 8**

### *Entrepreneurinit isumaqatigiisummik isumaqatigiissuteqarneq*

**§ 44.** Suliffeqarfiup atortumut innaallagiartortumut ingerlatsinermut akisussaasuusup entrepreneurinit isumaqatigiissuteqarsinnaavoq atortup innaallagiartortup ingerlanneqarnerata ilaanik suliaqarnissamut tunngatillugu.

*Imm. 2.* Suliffeqarfiup atortumut innaallagiartortumut ingerlatsinermut akisussaasuusup isumaqatigiissuteqarnerni, tak. imm. 1, qulakkiissavaa entrepreneurip:

- 1) inummik ingerlatsinermut akisussaasuusumik atorfeqartitsinera, tak. § 13, kiisalu
- 2) pitsaassutsimut aqutsinermut atortumik, atortumit innaallagiartortumit piginnittumit atugassaritinneqartumit maleruaanissaa.

*Imm. 3.* Entrepreneurimit isumaqatigiisummi, tak. imm. 1, ilaatinneqassapput naasuaassutit makkununga:

- 1) Atortut innaallagiartortut sorliit isumaqatigiisummi pineqarnersut,
- 2) suliassat ingerlanneqartussat sorliit entrepreneurimit suliarineqassanersut aamma
- 3) entrepreneur i nammineerluni ingerlatassanut sorlernut inunnik toqqaassanersoq, kiisalu toqqaanermut kina akisussaasuunersoq.

**§ 45.** Entrepreneurip, isumaqatigiisummik isumaqatigiissuteqarsimasup, tak. § 44, qulakkiissavaa, tassa

- 1) atortuni innaallagiartortuni imaluunniit eqqaanni suliaqarneq inunnut, uumasuutitut imaluunniit illuutitut ajoqusiisinnaasumik ingerlanneqannginnissaa,
- 2) atortuni innaallagiartortunik ingerlatsinerup aamma suliaqarnermi periaatsit pilersaarusioneqarnissaat, tak. § 47,
- 3) entrepreneurip nammineq aamma allat sulisinneqarunnartut sulisuisa naammaginnartumik ilitsersorneqarsimanissaat,
- 4) periaatsit ingerlanneqarnissaat nalunaarummi matumani aalajangersakkat naapertorlugit, kiisalu
- 5) pitsaassutsimut qulakkeerinninnissamut atortup atugassanngortinneqarsimasup malinneqarnissaa.

*Imm. 2.* Entrepreneur i isumaqatigiisummik isumaqatigiissuteqarsimasoq, tak. § 44, periutsinik isumaqatigiisummi ilaatinneqartunik allanut suliarinnittussanngortitsisinnaavoq. Akisussaaffik entrepreneurip piginnassavaa.

**§ 46.** Suliffeqarfiup atortumut innaallagiartortumut ingerlatsinermut akisussaasuusup suliffeqarfiit elinstallatøritut akuersissummik peqartunut akuersissutigisinnaavaa periutsinik makkuninnga suliaqarnissaq:

- 1) Periutsit pilersuinerup killingani ingerlanneqartut, tassa ikkussukkat innaallagissamik sakkortunngitsumik ingerlatsillit atortumut innaallagiartortumut attavilerneqarfi aamma
- 2) ledninginut ingerlaqqiffiusunut sikringinik ikkussineq aamma taarsiineq.

*Imm. 2.* Suliffeqarfik elinstallatøritut akuersissummik peqartoq imm. 1 naapertorlugu periutsinnik ingerlatsippat, tassani piumasaqaataannngilaq suliffeqarfimmi elinstallatøritut akuersissummik peqartumi inum-

mik ingerlatsinermit akisussaasuusumik atorfeqartoqarnissaa.

*Imm. 3.* Periutsit imm. 1 naapertorlugu suliarineqarneranni suliffeqarfiup elinstallatøritut akuersissu-  
mik peqartup sulisuni nammineq akisussaassuseqarfigai.

## **Kapitali 9**

*Atortunik innaallagiartortunik ingerlatsinermi isumannaallisaanermut  
piumasaqaatit ataatsimut isigalugit*

*Navianarsinnaasunik nalilersuineq kiisalu ingerlatsinermi  
aamma sulinerup ingerlanneqarnera*

**§ 47.** Ingerlatsinermi aamma sulinerup ingerlanneqarnissaa sunaluunniit aallartitsinnagit, taava inuup  
paasisimasallip sulinerup qanoq ingerlanneqarnissaa pilersaarusiussavaa aamma innaallagissamut tunnga-  
tillugu suliaqarnermut attuumassuteqartut navianarsinnaasut nalilersorlugit.

*Imm. 2.* Pilersaarusiornermut atatillugu aamma navianarsinnaasunik nalilersuineq tunngavigalugu, tak.  
imm. 1, isummerfigineqartussat makkuupput:

- 1) Sulinerup ingerlanneqartussap annertussusia aamma sumiiffiup suliffigisassap killilernissaa,
- 2) sulinermi periaatsimik toqqaaneq,
- 3) sakkunik aamma atortunik allanik toqqaaneq,
- 4) illersuutissanik aamma inunnut assiaqutissanik toqqaaneq,
- 5) inunnik ingerlatsinermik aamma sulinerup ingerlanneqarneranik suliarinnittussanik toqqaaneq aamma  
ilitersuineq, kiisalu
- 6) ajutoortoqassagaluarpas ikiunissamut periarfissanik nalilersuineq.

*Imm. 3.* Pilersaarusiorneq aamma sulinerup qanoq ingerlanneqarnissaani navianarsinnaasunik nalilersui-  
neq sulinermik aqutsisumik suliarineqassapput.

## *Attaveqaqatigiinneq*

**§ 48.** Nalunaarummi sumiluunniit ukua akornanni koblingsleder, koblingsperson, sulinermi aqutsisup  
aamma suleqatigiinni aqutsisup akornanni, nalunaaruteqartup aqqa ilanngunneqarsimassaaq.

*Imm. 2.* Nalunaaruteqarneq oqaasiinnartigut pippat taava nalunaaruteqarfiusup taanna utissavaa, nalu-  
naaruteqartullu uppersassavaa nalunaarutigineqartup eqqortumik paasineqarsimanera.

**§ 49.** Sulinermik aallartitsinermi imaluunniit sulereernerup kingornatigut ikkussinermi tunngavigineqas-  
sanngillat piffissat siornatigut isumaqatigiissutigineqareersimasut.

## *Sumiiffik suliffusoq*

**§ 50.** Sumiiffik suliffusoq nassuiarneqarluarsimassaaq aamma erseqqissumik nalunaarneqarsimassalluni.  
Inissaq, isernissamut periarfissat naammaginaruussapput aamma sumi tamani quleqqassaaq, ingerlatsi-  
nermik suliaqarfissami aamma suliaqarneranik ingerlatsiviusussani. Pisariaqartillugu sumiiffik suliffusoq erseq-  
qissumik nalunaarneqarsimassaaq.

§ 51. Atortussiat ikuallassinnaasut aamma suut tigussaasut aqquissamik assiisinnasut, atortut ikkussi-vissanut aamma atortunik ikkussivissani passussiffinnut iserfissat aamma qimaaffissat eqqaanni imaluun-niit taakkunani inissineqassanngillat. Atortussiat ikuallassinnaasut innaallaffiusinnaasut eqqaanni inissin-neqassanngillat.

§ 52. Ledninginut silaannakkoortunut tunngatillugu ingerlatsinermi aamma suliassap qanoq ingerlanne-qarnissaanut qanoq ittuunissaannut tunngavigneqassaaq atortut innaallagiartortut mekanikkiata qanoq innerat naliliinermit tunngavigalugu, ajutoornissamut nalorninartut pillugit pisariaqartumik piareersarto-qassaaq, tassa mekanikkiata sunniuteqarnerata kingunerisaanik pilersinnaasut atortup innaallagiartortup suliamik ingerlatsinerup nalaani sunnerneqarnermigut.

*Sakkut, atortut aamma savequtit atortui*

§ 53. Sakkut, atortut aamma savequtit atortumik innaallagiartortumik ingerlatsinermit atatillugu ator-ne-qartut, tassaassapput:

- 1) siunertamut atorneqarfissaminut tulluartsuussapput taamaalluni suliamik ingerlatsineq ingerlanneqar-sinnaalluni inunnut naviananngitsumik,
- 2) eqqortumik atorneqassapput fabrikip sanasimasup imaluunniit nioqquteqartup innersuussutai naaper-torlugit,
- 3) akuttunngitsumik misissorneqartassapput imaluunniit fabrikip sanasimasup innersuussutai naapertor-lugit, kiisalu
- 4) aserfallatsaaliorneqassapput taamaaliornikkut suli atorneqarnissaminut tulluartsuutillugit.

*Imm. 2.* Sakkut suulluunniit qupinnguallannaveersaatilimmik saattukujoortallit atorneqartillugu taakku-nani navianartorsiorsinnaanermut takissusia aamma nalunaarnerata takissusia aalajangersarneqarsimas-sapput. Nalunaarnerata takissusia nalunaarneqassaaq sungaartumik/qernertumik qupinnguallannaveer-saatilimmi saattukujoortalimmi, tak. ilanngusaaq 3, titartagaq 1.

§ 54. Sakkunik, atortunik aamma savequtit atorneqarneranni taakkua isumannaallisaanermut pingaar-u-teqarmata, kalaallisut imaluunniit danskisut ilitersuuteqassapput, imaanngippat allanik pisiaqartitsiso-qarluni sulisut oqaatsinik atuisinnaanerat apeqqutaatillugu.

§ 55. Ingerlatsinermi aamma qanoq suliaqarnermi sumilluunniit aallartitsinissaaq sioqqullugu, taava qulak-keerneqassaaq sakkut, atortut aamma savequtit naammattut atugassanngortinneqarsimanissaat taakkua-lu takuneqarsinnaasumik ajoquteqassanngillat.

## **Kapitali 10**

*Atortuni innaallagiartortuni suliamik ingerlatsinermi isumannaallisaanermut  
piumasaqaatit nalinginnaasut*

§ 56. Atortunik innaallagiartortunik sarfaqartillugit imaluunniit taakku eqqaanni suliamik ingerlatsinerit inunnik 18-inik ukioqalereersimasunik ingerlanneqassapput.

§ 57. Atortunik innaallagiartortunik sarfaqartillugit imaluunniit taakku eqqaanni suliamik ingerlatsinerit, imaangippat allamik taasaqartoqarsimanngippat, inunnik paasisimasalinnik imaluunniit inunnik ilitersorneqarsimasunik inunnik paasisimasalinnik aqutsisoqarluni suliarineqassapput.

§ 58. Suliamik ingerlatsinerup suulluunniit aallartinneqannginnerani inuit suliamik ingerlatsisussat iluamik ilitersorneqarsimassapput.

§ 59. Atortuni sakkortuumik sarfalinni suliamik ingerlatsinerit isumannaallisaanermik eqqortumik suliarineqarnissaat qulakkeerniarlugit, sulineramik aqutsisoq imaaliussaaq:

- 1) inuit suliamik suliarinnittussat suliassap ingerlatilinnginnerani naammaginartumik ilitersorneqarsimassaaq qulakkiissavaa, kiisalu
- 2) suliap suliarineqarnerata nalaani sumiiffimmi suliaraqfimmi pisariaqartumik nakkutilliissaaq.

§ 60. Atortunik innaallagiartortunik imaluunniit taakku eqqaanni suliamik ingerlatsinerni siumut takorloorneqanngitsumik pisoqarpat, taava suliap unitsinneqassaaq, suleqatigiinnik aqutsisumit imaluunniit sumiiffimmi suliffigisami suliamik ingerlatsinermik aqutsisumit ilisimasalimmit suliap ingerlaqqinnissaa akuersissutigalugu nalunaarnissaata tungaanut.

## **Kapitali 11**

### *Ingerlatsinermi periutsit - Ingerlatsinerit*

#### *Ikkussineq (kobling)*

§ 61. Attaveerutsitsinermi tassani siunertaralugu atortut ilaat sarfaarutsinniarlugit immikkoortitsissutit, sarfamik immikkoortitsissut imaluunniit sumiiffimmi immikkoortitsissutit atorineqassapput, immikkoortitsineq tamakkerlugu tapinnaallisaaserlugu, tassa atortup suunera aamma qanoq ittuunera tunngavigalugit.

§ 62. Atortut sakkortunngitsumik sarfalimmik innaallagiartortut kattutsinneqarneranni inummik ilisimasalimmit aqutsisoqassaaq imaluunniit tamanna suliarineqassaaq.

§ 63. Atortut innaallagissamik sakkortuumik sarfallit ikkunneqarnerat inummit ikkussisarnermut aqutsisumit aamma inummit ikkussisartumik suleqatigiisillugit ingerlanneqassaaq.

§ 64. Innaallagissamut sakkortuumut ikkussinermut atortut amitsukujuut angallattakkat navianartorsiorfusinnaasup iluani imaluunniit avatinnguani inissinneqarsimappata, taava § 53-imi piumasaqaatit eqqortinneqassapput.

*Imm. 2.* Ikkussineq inummit ikkussisartuusumit suliarineqassaaq taassuma eqqortissavaa inummut immi-nut isumannaallisaanermut ungasissusissatut aalajangersagaq.

## **Kapitali 12**

### *Ingerlatsinermi periutsit - Atuunnernik misissuineq*

### *Uuttortaaneq*

**§ 65.** Atortunik sakkortuunik sarfalinnik uuttortaanerit inummit paasisimasalimmit suliarineqassapput kiisalu suliarineqassallutik atortunik sakkortunngitsumik aamma sakkortuumik sarfalinnik sarfaqartillugit suliarinninnermi periutsini aalajangersakkat naapertorlugit, tak. kapitalit 13 aamma 16-18, imaluunniit atortut ilaat sarfallit eqqaanni suliaqarnermi suliaqarnermut periutsit, tak. kapitalit 13, 16, 17 aamma 19, tassa navianartorsiorfusinnaasup killingata imaluunniit qanillattorfusinnaasup killingata iluanit pisinnaaneq nalorninartoqarpat.

### *Misissuineq*

**§ 66.** Atortunik qalilerneqarsimasunik sarfalinnik misissuinnermi inuup paasisimasallip matunik, qiversartulinnik imaluunniit atortumik misissuinissamut matuliussanik ammaasinnaavoq, tamakku ingerlanneqarpata isumannaallisaanermut ungasissusissaq aalajangigaq malinneqarluni.

*Imm. 2.* Misissuinerit qaliliussanik aalajangersarlugit ikkussukkanik piiaaqqarluni pisussat, taakkua suliarineqassapput atortunik sakkortunngitsumik aamma sakkortuumik sarfalinnik sarfaqartillugit suliarinninnermi periutsini aalajangersakkat naapertorlugit, tak. kapitalit 13 aamma 16-18.

### **Kapitali 13**

#### *Suliaqarnermi periutsit – Piumasaqaatit nalinginnaasut*

**§ 67.** Suliaqarnermi periutsit suleqatigiinnik aqutsisumit aqunneqassapput imaluunniit suliarineqarlutik.

*Imm. 2.* Suliaqarnermi periutsit atortut sarfaqanngitsut pineqartillugit imm. 1-imi ilaatinneqanngillat.

**§ 68.** Suliaqarnermi periutsit sakkortuumik sarfalinnut tunngasut taamaallaat sulinerмик aqutsisumik aallartinneqarsinnaapput.

*Imm. 2.* Suliaqarnermi periutsit atortunut sakkortuumik sarfalinnut tunngasut aallartinneqarsinnaapput ilitsersuinerit aalajangersarneqarsimasut naapertorlugit, tamatumani pineqarpata periutsit sungiussimasat atortunut assigiinnut tunngasut akuttunngitsumik uteqqinneqartartut.

### **Kapitali 14**

#### *Atortunik innaallagissamik sakkortuumik sarfalinnut suliaqarnermi periutsit*

**§ 69.** Atortunik sakkukitsumik sarfalinnik sarfaqanngitsunik imaluunniit taakku eqqaanni suliaqarnermi periutsit sumiiffimmi suliffiusumi inummit paasisimasalimmik aqunneqassapput imaluunniit suliarineqassapput.

*Imm. 2.* Suliaqarnermi ingerlatsinerit aallartinneqarnissaannut inuk paasisimasalik akuersissuteqassaaq.

*Imm. 3.* Sulinerup naammassinerata kingornatigut sarfamik ikkussinissamut piareerneq inummit paasisimasalimmit nalunaarutigineqassaaq.



**§ 70.** Atortuni sarfaqanngitsuni sulinermi isumannaallisaanermut iliuutsit pilersinneqartussat tassaapput:

- 1) Atassutaarutivineqassaaq.
- 2) Ikkunneqarsinnarata pinngitsoornissaa qulakkeerneqassaaq.
- 3) Sarfaqannginnera misissorneqassaaq.
- 4) Nunamut ikkussineq aamma kortsluttiineq, imaanngippat taamatut pisoqannginnissaanut pingaaruteqartumik pissutissaqarluni.
- 5) Ilaannut sarfaqarsinnaasunut tassunga qanittunut illersuuteqarneq.

**§ 71.** Atortunik sakkukitsumik sarfalinnik sarfaqanngitsunik suliaqarnerup naammassineqarnerata kingornatigut inuit sulinermi peqataasimassut tamarmik ilisimatinneqassapput makkuningga, tassa

- 1) sulineq naammassineqartoq,
- 2) isumannaallisaanermut aamma illersuinermit aqqissuussinerit pilersinneqarsimasut unitsinneqartut, kiisalu
- 3) tamatuma kingornatigut atortoq sarfamik ingerlaarfusutut isigineqalissaaq.

## **Kapitali 15**

*Atortunik innaallagissamik sakkortuumik sarfalinnik suliaqarnermi periutsit*

*Ataatsimut isigalugu*

**§ 72.** Atortunik sakkortuumik sarfalinnik sarfaqanngitsunik imaluunniit taakku eqqaanni suliaqarnermi periutsit suliaqarnerni ikkussuinermit aqutsisoq suleqatigalugu suliarineqassapput.

*Imm. 2.* Ingerlatsinermit ingerlatsinerit ikkussuinermit aqutsisumit ingerlanneqanngitsut inummit ikkusuisartumit ingerlanneqassapput ikkussuinermit aqutsisup naalakkiinera naapertorlugu.

*Imm. 3.* Ikkussuinermit aqutsisup ilisimassavaa suliaqarnermik periuseqarnerup nalaani kina suleqatigiinnik aqutsisuunersoq aamma taanna qanoq attaveqarfigineqarsinnaanersoq.

**§ 73.** Atortunik sakkortuumik sarfalinnik sarfaqanngitsunik imaluunniit taakku eqqaanni suliaqarnermi periutsit sumiiffimmi suliffigisami suleqatigiinnik aqutsisumit aquanneqassapput imaluunniit suliarineqarlutik.

*Imm. 2.* Suleqatigiinnik aqutsisup ilisimassavaa suliaqarnermik periuseqarnerup nalaani kina ikkussuinermit aqutsisuunersoq aamma taanna qanoq attaveqarfigineqarsinnaanersoq.

*Ikkussisarnermut aqutsisoq*

**§ 74.** Ikkussisarnermut aqutsisup suliaqarnermi periutsip aallartinneqannginneranni qulakkiissavaa isumannaallisaanermut iliuusissat pilersinneqarsimanissaat, tak. § 75, isumannaallisaanermut aamma illersuutissat pilersinneqarnissaasa tungaanut atortut innaallagiartortut sarfaqartutut isigineqassapput.

**§ 75.** Atortuni sakkortuumik sarfalinni sarfaqanngitsunili sulinermi isumannaallisaanermut iliuutsit pilersinneqartussat tassaapput:

- 1) Atassutaarutivineqassaaq,

- 2 atassutaarunnera misissorneqassaaq,
- 3) ikkunneqarsinnarata pinngitsoornissaa qulakkeerneqassaaq,
- 4) isuani nunamut ikkuffia sioqqullugu sarfaqannginnera misissorneqassaaq,
- 5) isuani nunamut ikkuffia pilersinneqassaaq,
- 6) isuani nunamut ikkuffiata naammassineqarsimanera misissorneqassaaq,
- 7) ikkussinermut skema nutarterneqassaaq, kiisalu
- 8) piareerneraleqatigiinnik aqutsisumut nalunaarutigineqassaaq.

**§ 76.** Ikkussisarnermut aqutsisup suliaqarnermi periutsinik ingerlatsinerup nalaani qulakkiissavaa, tassa

- 1) ikkussimasumut peerneqarsimasumut ikkussinermut atortut piaarinaatsoorluni ikkuttoorneqannginnissaat qulakkeerneqarsimanissaat,
- 2) ikkussinissamut inerteqquteqarnermut ilisarnaatip peerneqannginnissaa, sulinerup naammassineqarnera sioqqullugu, kiisalu
- 3) isuani nunamut ikkunneqarsimasut pilersinneqarsimasut, sulinerup nalaani piffissaq tamaat taamaaginnarnissaat.

*Imm. 2.* Uttortaanermi aamma misileraanermi imm. 1-imi normu 3-mi taaneqartut saneqqunneqarsinnaapput.

*Imm. 3.* Uttuinerumut aamma misileraanermut atortunik ikkussinermi aamma ikkusimaffiata peerneqarnerani imm. 1-imi normu 3-mi taaneqartut saneqqunneqarsinnaappat, atortup pineqartup ilaa nunamut ikkusimaneqarsimappat aamma atortut ikkunneqarnissaata siuninguatigut kortslutterneqarsimappat.

#### *Suleqatigiinnik aqutsisoq*

**§ 77.** Suleqatigiinnik aqutsisup sulinerup aallartinnginnerani qulakkiissavaa, isumannaallisaanermut iliuutsinik pilersitsisoqassasoq, tak. § 78.

*Imm. 2.* Sulineq aallartinneqassanngilaq suleqatigiinnik aqutsisumit piareersimaneq nalunaarutigineqartinnagu.

**§ 78.** Suleqatigiinnik aqutsisup qulakkiissavaa,

- 1) sarfaqarnani inissisimanera sulinissamut nunamut ikkussinissaq sioqqullugu misissussallugu,
- 2) sulinissamut nunamut ikkussinerup pilersinneqarnera,
- 3) sulinissamut nunamut ikkussinerup naammassineqarsimanera misissussavaa, kiisalu
- 4) pisariaqartitsineq tunngavigalugu annertussuseqartumik mianersoqqusilluni nalunaaqutsersuinissaq i-maluunniit illersuutinik aaqqissuussisoqarnissaa, tak §§ 103-mit 109-mut, taamaaliornikkut pinngitsoortinniarlugu atortut ilaat sarfamik ingerlaffigineqartut kukkusumik sarfamik ingerlaffigineqanngitsutut isigineqarnissaat.

**§ 79.** Suleqatigiinnik aqutsisup sulineq aallartitsissanngilaat sumiiffimmi suliffiusumi suleqatigiinni peqataasut tamarmik pisariaqarneranik tunngaveqartumik ilitsersorneqaaqaartinnagit makku pillugit:

- 1) Sulinermi ingerlatsinerup annertussusia,
- 2) sumiiffiup suliffiusup killilersorneqarnera,
- 3) atortut ilaat sarfamik ingerlaffigineqartut sumiiffiup suliffiusup eqqaaniittut,

- 4) suliaqarnermut suliarineqarnissaa, kiisalu
- 5) isumannaallisaanermut iliuutsit aamma illersuinissamut aqqissuussinerit pilersinneqarsimasut.

**§ 80.** Suleqatigiinnik aqutsisup sulinerup ingerlanneqarnerata nalaani qulakkiissavaa, tassa

- 1) isumannaallisaanermut iliuutsit aamma illersuinissamut aqqissuussinerit sulinerup ingerlanera tamakkerlugu atuutsinneqaannarnissaat, aamma
- 2) sulinissamut nunamut ikkullugit § 81 naapertorlugu pilersinneqarsimasut sulinerup ingerlanera tamakkerlugu atuutsinneqaannarnissaat.

*Imm. 2.* Uttortaanermi imaluunniit misiliinermi imm. 1-imi normu 3-mi taaneqartut saneqqunneqarsinnaapput.

*Imm. 3.* Uttuinnermut aamma misileraanermut atortunik ikkussinermi aamma ikkusimaffiata peerneqarnerani imm. 1-imi normu 2-mi taaneqartut saneqqunneqarsinnaappat, atortup pineqartup ilaa nunamut ikkusimaneqarsimappat aamma atortut ikkunneqarnissaata siuninnguatigut kortslutterneqarsimappat.

#### *Nunamut attavinnik ikkussineq aamma kortsluttiineq*

**§ 81.** Suliaqarnermut atatillugu nunamut attavinnik ikkussineq suliarineqassaaq §§ 82-imit 89-imut piumasarineqartutut annertussusissai naapertorlugit.

*Imm. 2.* Atortup ilaanik suliaqarnermut atatillugu nunamut attavinnik ikkussineq, tak. imm. 1, misissorneqassaaq atortup ilaata sumiiffimmi nunamut ikkussiffiusumi sarfaqannginnera. Misissuineq aqqummi imaluunniit aqqutini nunamut ikkunneqartussani aamma kortslutterneqartussani suliarineqassaaq.

*Imm. 3.* Aalajangersimasumik nunamut ikkunneqarsimasut nunamut ikkuffiata eqqaani sarfaqarnera misileqqaarnagu ikkunneqarsinnaapput, tamanna inunnik navianartorsiortitsinani pisinnaappat.

*Imm. 4.* Suleqatigiinnik aqutsisup misissussavaa suliaqarnermut atatillugu nunamut ikkunneqartussat pi-sariaqartut ikkunneqarsimanersut.

**§ 82.** Atortuni silaannakkut ledningilinni, stationeqarfinni ammaannartuni aamma atortuni matuneqarsimasuni, suliaqarniaraanni ammarneqartussani suliaqarnermut atatillugu nunamut ikkussisoqarnissaa piumasagaataavoq, taamaattorli imm. 2 aamma §§ 83 aamma 85.

*Imm. 2.* Isuani nunamut ikkussineq suliaqarnermi nunamut ikkussinertut isigineqarsinnaavoq, taanna sumiiffimmut suliaqarfimmut ima qanitsigippat, § 88 eqqortinneqarluni.

**§ 83.** Suliaqarnermi periutsini ledningit silaannakkoortut eqqaanni suliaqarnermi nunamut ikkussinissap pinngitsoorneqarnissaa akuerineqarpoq, imaappat

- 1) ledningi silaannakkoortoq isuatigut nunamut ikkussiffigineqarsimappat, kiisalu
- 2) sulinerup nalaani minnerpaamik meterimik ataatsimik ledningi ungasinneqarpat.

**§ 84.** Ledningini silaannakkoortuni vekselstrømilinnik ingerlatsinermi 60 kV sinnerlugit sarfaqartuni suliaqarnermi periutsini, tassani taamaallaat nunamut ikkussisoqarnissaa piumasagaataavoq aqqummut imaluunniit aqqutitut suliarineqartunut, tassani imaappat

- 1) isuani nunamut ikkussamik pilersitsisoqarsimanera,
- 2) aqqutini sumiiffup suliaqarfup eqqaaniittuni nunamut ikkussiffigineqarsimannngitsuni aallagartat mia-

nersoqqussutit pilersinneqarsimappata, kiisalu

3) inuit suliamik ingerlatsisut navianartorsiortinneqanngippata aqquutinut meterimik ataatsimik qanilligunik, tassa sumiiffimmi suliaqarfimmi nunamut ikkussiffigineqarsimanngitsunut timiminnik, sakkuminnik, atortuminnik imaluunniit atortussianik.

**§ 85.** Suliaqarnermut atatillugu nunamut ikkussineq atortup nunamut ikkusimaffiata aamma kortsluttii-nermi sarfaanut tamarmiusumut naatsorsuussaangippat, tamatuma saniatigut piumasaqaataavoq isuani nunamut ikkussisoqarsimanissaa.

**§ 86.** Atortuni kabeleqarfiusunik suliaqarnerup aallartinnginnerani isuani nunamut ikkussineq suliarineqassaaq.

*Imm. 2.* Atortut kabeleqarfiit ledninginut silaannakkoortunut ikkussimappata taava tamatuma saniatigut sulinermut atatillugu nunamut ikkussineq pilersinneqassaaq, atortup kabeleqarfiup aamma ledningit silaannakkoortut ikaarsaariarnerisa akornanni.

**§ 87.** Nunamut ikkussanik ikkussivissat imatut toqqarneqassapput, taakkununga sikringit imaluunniit qamitsissutit taakkua aamma sumiiffiup suliaqarfiup akornanniissanatik.

*Imm. 2.* Nunamut ikkussat ikkussivissat aamma sumiiffiup suliffiusup akornanni immikkoortitsissutinik peqarpat. taava taakkua ikkusimatillugit paarnaarneqassapput.

*Imm. 3.* Nunamut ikkussineq atortuni fabrikinu naammassillugit suliarineqarsimasuni qamittaait acqu-saarlugit suliarineqarsinnaapput, taakkua siunertamut tamatumunnga ilusilersorneqarsimappata, qamittaait asserneqarsimappat taamaalillunilu innaallagissamik imaluunniit mekaniskiusumik attaveerutsinneqarsinnaanatik.

**§ 88.** Sulinermut atatillugu nunamut ikkussineq inissinneqarsimassaaq imatut, taanna sumiiffimmi suliffiusumi takuneqarsinnaalluni, taamaattorli tak. imm. 2 aamma 3.

*Imm. 2.* Sulinermut atatillugu nunamut ikkussineq maskiinaut imaluunniit transformerimut ikkussinermut atortoqartumut ikkussinermut atortumi inissinneqarsinnaavoq, tamatumani piumasarineqarluni maskiina imaluunniit transformeri aamma ikkussinermut atortoq ima assiigitsigisumik nalunaaqutserneqarsimallutik, kukkusoeqarsinnaanera pinngitsoorneqarsinnaalluni.

*Imm. 3.* Inimi stationeqarfiusumi sulinermut atatillugu nunamut ikkussineq iikkap illuatungaanut inissinneqarsinnaavoq imaluunniit quleriit akornani, sulinermut atatillugu nunamut ikkussinissamut allamik sumiiffimmi periarfissaqanngippat.

**§ 89.** Nunamut ikkussineq aamma kortsluttiineq avisaartitsiffimmi illugiisillugu suliarineqassaaq, avisaartitsineq sioqqullugu suliarineqassaaq, imaappat

1) aqqutit sulinerup nalaani avisaartinneqassapput, imaluunniit

2) sulineq sumiiffiup avisaartitsiviusup illuatungiini tamani ingerlanneqarluni.

*Imm. 2.* Kabelinik suliaqarnermi nunamut ikkussineq aamma kortslutning kabelit isuini suliarineqarsinnaavoq.

*Atortunik sakkortuumik sarfalinnik sarfaqanngitsunik ikkussineq*

**§ 90.** Isumannaallisaanermut iluutsit aamma illersuinnermut aaqqissuussinerit atorunnaarsinneqassanngillat imaluunniit peerneqassanatik suleqatigiinnik aqutsisup tamanut nalunaarnissaa sioqqullugu, tassa sulinnermi peqataasimasunut taakkua atorunnaassasut aamma atortut ilaat, sulinerup nalaani sarfaqarsimanngitsut tamatuma kingornatigut sarfamik ingerlaffiusutut isigineqartariaqassasut.

*Imm. 2.* Suleqatigiinnik aqutsisumit periarfissaanngippat sulinnermi peqataasimasut tamaasa imm. 1 naapertorlugu nalunaarfiginissaat, allatut iliornikkut qulakkeerneqassaaq inunnut navianartorsiornermik pilersitsisoqannginnissaa.

**§ 91.** Atortunik innaallagiartortunik sarfaqanngitsunik suliaqarnerup naammassineqarnerata kingornatigut inuit sulinnermi peqataasimassut tamarmik ilisimatinneqassapput makkuningga, tassa

- 1) sulineq naammassineqartoq,
- 2) isumannaallisaanermut aamma illersuinnermut aaqqissuussinerit pilersinneqarsimasut unitsinneqartut, kiisalu
- 3) tamatuma kingornatigut atortoq sarfamik ingerlaarfiusutut isigineqalissaaq.

**§ 92.** Suleqatigiinnik aqutsisup atortup ilaata ikkunneqarnissaminut piareenera sioqqullugu qulakkiissavaa, tassa

- 1) isumannaallisaanermut iliuuserineqarsimasut aamma illersuinnermut aaqqissuussat peerneqarsimanerat,
- 2) sakkut, savequtit aamma atortussiat atorneqartussaangitsut atortup ilaanit peerneqarsimasut, kiisalu
- 3) atortumut assersuutit aamma qalliutigineqarsimasup pilersinneqarsimanerat.

**§ 93.** Ikkussineq aatsaat pissaaq ikkussinissamut aqutsisoq

- 1) suleqatigiinnik aqutsisumit piareerneq pillugu nalunaarummik tigusaqareerpat aamma
- 2) qulakkeerneqareerpat illersuinissamut aaqqissuussat pilersinneqarsimasut peerneqarsimanerat.

**§ 94.** Sulinerup naammassineqareernerata kingornatigut ikkussinermut aqutsisup qulakkiissavaa, ikkussinermut skemap aaqqinneqarnissaa atortup innaallagiartortup maannakkorpiaq qanoq ikkunneqarsimaneranut naapertuuttumut.

## **Kapitali 16**

*Atortunik sarfakitsunik sarfaqartillugit suliaqarnermi periutsit taakkunani  
imaluunniit taakkua eqqaanni*

*Ataatsimut isigalugu*

**§ 95.** Atortunik sarfakitsunik sarfaqarneranni suliaqarnermi periutsit taakkunani imaluunniit taakkua eqqaanni taamaallaat sulisoqarsinnaavoq navialisoqarsinnaaneramik naliliineq tunngavigalugu aamma inummit paasisimasalimmit immikkut ilisimasaqartumik aamma atortunik sarfakitsunik sarfaqarneranni suliaqarnermik misilittagaqartumik.

**§ 96.** Atortunik sarfakitsunik sarfaqarneranni suliaqarnermi periutsit taakkunani imaluunniit taakkua eqqaanni inunnik paasisimasalinnik marlunnik, taamaattorli tak. § 98, imm. 2, taakkuninnga ataaseq suleqatigiinnik aqutsisuusaaq suliaqarnermilu periutsinik aqutsisuussaalluni.

*Imm. 2.* Inuit atortunik sarfakitsunik sarfaqarneranni taakkunani imaluunniit taakkua eqqaanni sulinissamut ilinniartinneqartut, atortunik sarfakitsunik sarfaqarneranni taakkunani imaluunniit taakkua eqqaanni sulinermik ingerlatsisinnaapput inummit paasisimasalimmit nakkutigineqarlutik.

**§ 97.** Ledninginik silaannakkoortunik suliaqarnek suleqatigiinnik ingerlanneqassaaq, taakkua tassaassapput suleqatigiinnik aqutsisoq aamma ikinnerpaamik inuk alla. Taakkua marluullutik suliamik ingerlatsineq tamakkerlugu summiiffimmi suliaqarfimmiissapput.

*Imm. 2.* Ledninginik silaannakkoortunik suliaqarnek qamutaasamit qummukartittakkamiit inummit ataatsimit ingerlanneqarsinnaavoq, suliamik ingerlatsineq tamakkerlugu inummik allamik najuuttoqarpat.

*Imm. 3.* Inuk suliaqarnermik ingerlatsisoq, tak. imm. 2 paasisimasaliunngippat, taava pineqartoq suliamut atatillugu navialissutaasinnaasut pillugit aamma ajutoortoqartillugu annaassiniarnermut periarfissat pillugit ilitersorneqarsimassaaq.

**§ 98.** Kabelit, kabelinut sikaaviit, kabelinut katiteriffiit (tavler) imaluunniit assigisaanni sarfaqartillugit suliaqarnek imaluunniit taakkua eqqaanni inummit ataatsimit ingerlanneqarsinnaapput, suleqatigiinnik aqutsisoq, sumiiffiup suliaqarfiup eqqaani inoqartillugu taamaalilluni inuk taana ajutoortoqarpat pilertortumik akulerussinnaalluni.

*Imm. 2.* Inuk sumiiffiup suliaqarfiup eqqaaniittoq paasisimasaliunngippat taava pineqartoq ajutoortoqartillugu ikiuinissamut ilitersorneqarsimasuussaaq.

*Imm. 3.* Navialisoqarnissaanut nalilersuineq tunngavigalugu suliaq inummit ataatsimit suliarineqarsinnaavoq, suleqatigiinnik aqutsisoq, tamatumani pineqarpat ingerlatsinermik periuseq ajornanngitsuusoq aamma pineqartup navialisinnaanera annertusissanngippat.

#### *Suleqatigiinnik aqutsisoq*

**§ 99.** Suleqatigiinnik aqutsisup sulinerup aallartinnginnerani qulakkiissavaa, isumagissavaa piareersaasaaq taamaaliornermigut qulakkeerniarlugit,

- 1) kortslutning imaluunniit nunamut attuuttoortitsineq sakkunit imaluunniit atortussianik pinngitsoornissaa, kiisalu
- 2) kikkulluunniit sarfalinnik toqqaannartumik attuisuunnginnissaa.

**§ 100.** Suleqatigiinnik aqutsisup sulinerup aallartinnginnerani suleqatigiit ilitersussavai makku pillugit

- 1) sulinermi ingerlatsinerup annertussusia,
- 2) sumiiffiup suliffusup killilersorneqarnera,
- 3) atortut ilaat suliffimmi sarfamik ingerlaffigineqartut imaluunniit sumiiffiup suliffusup eqqaani,
- 4) suliassap qanoq suliarineqarnissaa, aamma
- 5) isumannaallisaanermut iliuutsit §§ 105-106 aamma §§ 108-109 naapertorlugit.

**§ 101.** Suleqatigiinnik aqutsisoq sulinermi periutsip ingerlanneqarnerata nalaani, nakkutilliissaaq aamma qulakkiissavaa, tassa

- 1) ilitersuutit malinneqarnissaat,
- 2) illersuinissamut iliuutsit pilersinneqarsimasut atuunnissaat, aamma
- 3) sulinerup unitsinneqarnissaa sulinerup nalaani arlaannik pisoqarpat, tamanna pisariaqalersimalluni.

**§ 102.** Atortunik sarfakitsunik sarfaqarneranni taakkunani imaluunniit taakkua eqqaanni suliaqarneq ingerlanneqareerpat sakkut tamarmik, atortut aamma savequtit peerneqassapput kiisalu inuit sulinermi peqataasimassut tamarmik ilisimatinneqassapput makkuninnga, tassa

- 1) sulineq naammassineqartoq,
- 2) isumannaallisaanermut aamma illersuinermit aaqqissuussinerit pilersinneqarsimasut unitsinneqartut.

## **Kapitali 17**

*Atortunik sakkortuumik sarfalinnik sarfaqartillugit suliaqarnermi periutsit taakkunani imaluunniit taakkua eqqaanni*

**§ 103.** Kinaluunniit navianartorsiorfusinnaasup killinganut piaarinani isernissaa pinngitsoorniarlugu isumannaallisaanermut iliuutsit makkua ingerlanneqassapput, tassa atortunik sakkortuumik sarfalinnik sarfaqartillugit taakkunani imaluunniit taakkua eqqaanni suliaqarnermi, taamaattorli tak. § 129:

- 1) Isumannaallisaanermut ungasissutsimik aalajangersaaneq.
- 2) Assersuutitik, assiaqutitik imaluunniit attuutitsinaveersaarluni matoorutitik pilersitsineq.
- 3) Mianersornissamut ilisarnaatinik nappaaneq.

*Imm. 2.* Isumannaallisaanermut iliuutsit tak. imm. 1 sulinermik aqutsisumik aalajangerneqassapput aamma innersuussutigineqarlutik imaluunniit ilitersuussutigineqarlutik.

**§ 104.** Atortunik sakkortuumik sarfalinnik sarfaqartillugit taakkunani imaluunniit taakkua eqqaanni suliaqarnermi isumannaatsuunissamut ungasissuseq naatsorsorneqassaaq atortumi atortut ilaasa sarfamik ingerlaffiusup tapinnaallisaateqanngitsumit aamma imatut aalajangerneqassaaq, periutsip suunera apeqqutaatillugu, siviussusia aamma katitigaanera apeqqutaatillugit ungasissutsimut naammattumik ilassuteqartoqassaaq D<sub>L</sub>.

*Imm. 2.* Isumannaallisaanermut ungasissuseq sulinermik aqutsisumit aalajangerneqassaaq navianarsinnaasunik nalilersuinermit atatillugu, tak. § 47.

**§ 105.** Assersuutit aamma assiaqutit isumannaallisaanermut ungasissutsip aalajangerneqartup tassa atortup ilaata sarfallit tapinnaallisaateqanngitsup iluani inissinneqartut, tassaassapput saattukujuut tapinnaallisaatillit innaallagissamut aamma mekaniskiusumut atortussiat, taakkua namminneq sarfamut isumannaatsuussapput atortup ilaani pilersinnaasunut.

*Imm. 2.* Assersuutit aamma assiaqutit, tak. imm. 1, napparneqarsinnaassapput aamma aqqarneqarsinnaassapput isumannaallisaanermut ungasissuseq timip ilaanit sumilluunniit attornagit.

**§ 106.** Mianersoqqusilluni nalunaaqutsersuineq nalunaaqutsiinermit atortussiat atorlugit suliarineqassaaq tassaasunik:

1) Allagartat mianersoqqussutit sangujoraartunik qarsuusalinnik maleruaqqusat atuuttut naapertorlugit aamma allatut kalerriissutit atorlugit, imaluunniit

2) erfalasut sungaartut assinganik nalunaaqutsikkat atorlugit.

*Imm. 2.* Mianersoqqusilluni nalunaaqutsiineq atortut ilaasa tapinnaallisaateqanngitsut ungasissutsimit  $D_V$ -mit imaluunniit isumannaallisaanermut ungasissutsit aalajangerneqarsimasumit qaninnerunngitsup iluani, taamaattorli tak. imm. 3.

*Imm. 3.* Atortuni sakkortuumik sarfalinni sarfaqanngitsuni suliaqarnermi taakkunani imaluunniit taakkua eqqaanni suliaqarnissaq sioqqullugu mianersoqqusilluni nalunaaqutsiineq ilaannut toqqaannartumik imaluunniit qanitsillugit inissiinissaq akuerisaavoq, taakku sarfaqartillugit atuinneqarsinnaappata, tamanna pisariaqassappat tassa taakkuninnga nalunaaqutsiineq sunniuteqarluarsinnaalluni apeqqutaavorli, tassa

1) mianersoqqusilluni allagartat atorneqartut tassaassapput atortussiat tapinnaallisaatillit,

2) allagartat napparneqassapput amitsukujuumut napasumut (isolerstang) tamakkununga naatsorsutigisamut, sakkut aamma savequtit pillugit aalajangersakkat naapertorlugit eqqortitsisumut, tak. §§ 53-55, kiisalu

3) isumannaallisaanermut ungasissutsip allagartanik ikkussinermi aamma aqqaanermi timip ilaanit sumilluunniit qaangerneqannginnissaa.

**§ 107.** Sumiiffik suliffusooq nalunaarsorneqassaaq makkuninnga:

1) ungerutissianik sungaartunik/qernertunik nivinngaalluni, imaluunniit

2) assersuutunik imaluunniit assiaqutunik mianersoqqusummik nalunaaqutalinnik.

**§ 108.** Suleqatigiinnik aqutsisup inuk isumannaallisaasussaq toqqassavaa mianersoqqussutunik nalunaaqutstersuineq aammattaq illersuutunut atortunik pilersitsinissaq aamma piiaanissaq sioqqullugu. Suliner-mi periutsinik ingerlatsinerup nalaani inuup isumannaallisaasussap, inuk suliasamik suliarinnittoq nakkutigissavaa taannalu kalerrissallugu, isumannaallisaanermut killiussamik qaangiinissaminut navianartorsiu-lerpat, taamaattorli tak. imm. 3.

*Imm. 2.* Inuk isumannaallisaasooq suliap ingerlanneqarneranut nammineq peqataassanngilaq aamma amerlanerpaamik inuit marluk nakkutigissavai, taakkua suleqatigiillutik suliamik ingerlatsippata aamma imminnut qanillutik inissisimappata.

*Imm. 3.* Atortunik innaallagiartortunik suliaqarnermi, taakkua ilaat sarfamik ingerlaffigineqartut tamakkerlugit assersorneqartillugit atortut sanaamut ilanngunneqarsimasut imaluunniit ilanngullugit tunniunneqarsimasut, pisiffigisap innersuussutai naapertorlugit atorneqarmata, taava inummik isumannaallisaa-soqarnissaa piumasaqaataanngilaq.

**§ 109.** Mianersoqqusilluni nalunaaqutstersuutunik aamma illersuiniarluni atortunik pilersitsinermi aamma piiaanermi, atortut sakkortuumik sarfallit sarfaqanngitsut eqqaanni suliaqarnermi kapitalit 13 aamma 15 atuupput.

*Imm. 2.* Mianersoqqusilluni nalunaaqutstersuutunik aamma illersuiniarluni atortunik pilersitsinermi aamma piiaanermi, atortut sakkortuumik sarfallit sarfallit eqqaanni suliaqarnermi kapitalit 13 aamma 18 atuupput.



## Kapitali 18

### *Atortunik sakkortuumik sarfalinnik sarfaqartillugit suliaqarnermi periutsit*

#### *Ataatsimut isigalugit*

**§ 110.** Atortunik sakkortuumik sarfalinnik sulinermi sarfaqarneranni suliaqarnermi periutsit taamaallaat ingerlanneqarsinnaapput navialisoqarsinnaaneraniq naliliineq tunngavigalugu aamma inummit paasisimasalimmit immikkut ilisimasaqartumik aamma atortunik sakkortuumik sarfalinnik sarfaqarneranni suliaqarnermik misilittagaqartumik.

**§ 111.** Atortunik sakkortuumik sarfalinnik sarfaqarneranni suliaqarnermi periutsit ingerlanneqassapput ikkussisarnermut aqutsisoq suleqatigalugu.

*Imm. 2.* Ikkussisarnermut aqutsisup ilisimassavaa kina suleqatigiinnik aqutsisuunersoq aamma taanna qanoq attaveqarfigineqarsinnaanersoq.

**§ 112.** Atortunik sakkortuumik sarfalinnik sarfaqarneranni suliaqarnermi periutsit sumiiffimmi suliffiusumi suleqatigiinnik aqutsisumit aqunneqassapput, taanna suliaqarnermi periutsit ingerlanneqarnerat tamakkerlugu najuutissaaq.

*Imm. 2.* Suleqatigiinnik aqutsisup ilisimassavaa kina ikkussisarnermut aqutsisuunersoq aamma taanna qanoq attaveqarfigineqarsinnaanersoq.

**§ 113.** Atortunik sakkortuumik sarfalinnik sarfaqarneranni suliaqarnermi periutsit ikinnerpaamik inunnik marlunnik ingerlanneqassapput, taakkununga ilaalluni suleqatigiinnik aqutsisoq. taakkunani imaluunniit taakkua eqqaanni inunnik paasisimasalinnik marlunnik, taamaattorli tak. § 98, imm. 2, taakkuninnga ataseq suleqatigiinnik aqutsisuussaaq suliaqarnermilu periutsinik aqutsisuussalluni.

*Imm. 2.* Navianartorsiorsinnaanermut naliliineq tunngavigalugu inuup ingerlatsinermut akisussaasuusup ilitsersuuteqarnermigut akuersissutigisinnaavaa suliassap inummik ataasiinnarmi suliarineqarnissaa, tamatumani pineqarpat suliamik periuseq imaluunniit ingerlatsinermi periuseq ajornanngitsoq, kiisalu pineqartumut navianartorsiorsinnaaneq annertusissanngippat.

#### *Sulinermi periaaseq*

**§ 114.** Atortunik sakkortuumik sarfalinnik sarfaqarneranni suliaqarnermi periutsit ingerlanneqassapput amitsukujuumik attuunnaveersaasikkamik periaaseq atorlugu, tassa navianartorsiorfusinnaasut killinginut sakkut aamma atortussiat atortut ilaannut sarfalinnut, amitsukujuut attuunnaveersaasikkat tulluartut atorlugit eqqunneqassapput.

*Imm. 2.* Suliarmi periaatsit allat akuerineqarsimasut, tak. EN 50110, atorneqarsinnaapput amitsukujuumik attuunnaveersaasikkamik periaaseq taarsiullugit, tak. imm. 1.

**§ 115.** Navianartorsiorsinnaanermik naliliinermi paasineqarpat, suliaqarnermi periutsimi ingerlanneqartussami pisariaqartoq, taava inuk isumannaallisaasusaaq toqarneqassaaq

*Imm. 2.* Inuk isumannaallisaasooq tassaasinnaavoq suleqatigiinnik aqutsisoq aamma sulinermi ima anner-

tutigisumik peqataasinnaavoq, tamanna nakkutigininnissamut akornusersuutaatinnagu, tassa suliamik ingerlatsisunut aamma mianersoqqunissaannut, isumannaallisaanermut ungasissutsip qaangertoorneqalis-sagaluarpas.

#### *Sulinermi atugassarititaasut*

**§ 116.** Atortunik sakkortuumik sarfalinnik sarfaqarneranni suliaqarnermi periutsit ingerlanneqarnerat pissaaq suliaqarnissamut ilitersuut allaganngugaq tunngavigalugu.

*Imm. 2.* Suliaqarnermut ilitersuut, tak. imm. 1, suliarisassap suuneranut naleqqussagaassaaq aamma suleqatigiinni peqataasunut tamanut ataasiakkaanut tunniunneqassalluni.

*Imm. 3.* Suliaqarnermut ilitersuut, tak. imm. 1, suliassamut ataasiinnavimmut suliarineqarsinnaavoq imaluunniit suliassanik ingerlatsineranut assigiiaartunut ataatsimut isiginnilluni atuutinneqarsinnaasunngorlugu.

#### *Ikkussisarnermut aqutsisoq*

**§ 117.** Ikkussuisarnermut aqutsisup piareernerup nalunaarutiginnissaa sioqqullugu qulakkiissavai, tassa 1) atortunut illersuutip ingerlanera aamma imatut inissinneqarsimassasoq, tassa sumiiffimmi suliaqarfusumi ajortittoortoqassagaluarpas pilertortumik qamitsisoqarsinnaalluni,

2) automatiskiusumik ikkussisarnermut atortut atorsinnaajunnaarsimanissaat,

3) suliaqartoqarnerup nalaani passussinerup savequtit ikkunneqarsinnaannginnissaat, kiisalu

4) atortut nunamut ikkunneqarsimasutigit ajoquteqannginnissaat, taamaattorli takuuk § 118, imm. 2.

*Imm. 2.* Atortunik sakkortuumik sarfalinnik ingerlanerminni annertunerpaamik 24 kV tikillugu aamma ilanngullugu sarfaqartuni suliaqarnermik periutsini, taava imm. 1 normu 2 saneqqunneqarsinnaavoq, imaluappas

1) suliaqarnerup sivikitsuinnaappas imaluunniit

2) suliaqarnerup annertunerusumik isumannaallisaanermi ungasissuseqarluni aamma nalunaaqutsiinerup isorartussusia navialisoorinnaanermut naliliinerup naleqqulluni.

#### *Suleqatigiinnik aqutsisoq*

**§ 118.** Suleqatigiinnik aqutsisup suliaqarnermi periutsit aallartinneqannginneranni qulakkiissavaa, tassa

1) suliaqarnerup ingerlanneqarnissaa suliaqarnissamut ilitersuisimaneq naapertorlugu.

2) suliaqarnermi suleqatigiinnut peqataasut suliamut tassunga ingerlanneqartussamut pisariaqartumik ilinniartinneqarsimanissaat aamma sungiussisimanissaat

3) suliaqarnermi suleqatigiinnut peqataasut sukumiisumik ilitersorneqarsimanissaat sakkut aamma savequtit sorliit atorineqarnissaannut tunngatillugu,

4) ajoqutit aamma amigaataasut paasineqartut iluarsineqarsimanissaat,

5) napparutit aamma sanaartukkat ilaat nalunaaqutserneqarsimanissat suliaqarnermi ilitersuummi isumannaallisaanermut ungasissusissaq malillugu, tassa suliaqarnermi periutini aalajangersarneqarsimasut naapertorlugit, kiisalu

6) atortumi nunamut ikkussaasumi ajoquteqartillugu sulinerup aallartinnginnissaa, taamaattorli tak. imm.

2.

*Imm. 2.* Atortunik sakkortuumik sarfalinnik ingerlanerminni annertunerpaamik 24 kV tikillugu aamma ilanngullugu sarfaqartuni nunami ikkusimasut ajoquteqarneranni misissuinermi, imm. 1, normu 6 apeqqu-taatinngu aallartinneqarsinnaavoq.

**§ 119.** Suleqatigiinnik aqutsisup sulinerup aallartinnissaa sioqqullugu suleqatigiinni peqataasunut pisaria-qartumik ilitersuissaaq makkua pillugit

- 1) sulinermi ingerlatsinerup annertussusia,
- 2) sumiiffiup suliffiusup killilersorneqarnera, kiisalu
- 3) suliaqarnermi ilitersuinerup imarisaa pillugu.

**§ 120.** Suleqatigiinnik aqutsisup sulinerup aallartinnissaa sioqqullugu, misissussavai tassa

- 1) sakkut aamma savequtit suliaqarnermi ilitersuinerup naapertuuttuunerat,
- 2) atortut ilaat sulinerup nalaani ajutoornermut pissutaasinnaasut takuneqarsinnaasunik ajoquteqanngin-nissaat,
- 3) savimerngit ilaat nunamut ikkunneqarsimanngitsut atortup nalinginnaasumik sarfamik atortut ilaasa i-ngerlatsinerannut ilanngitsut, kiisalu suliaqarnermut nalaani atorineqarsinnaasut, taakkua sarfaqanngin-nissaat, kiisalu
- 4) sumiiffimmi suliaqarfimmi attaveqaqatigiinnermut attaveqaatit ikkussuinerup aqutsisumut naamma-ginartuunerat.

**§ 121.** Suliaqarnermi suleqatigiinni peqataasut sulinertik aallartissanngilaat, tamatumunnga tunngatillu-gu suleqatigiinnik aqutsisup akuersissuteqarnissaa sioqqullugu.

**§ 122.** Suleqatigiinnik aqutsisut suliaqarnermut periutsit ingerlanneqarneranni qulakkiissavaa, tassa

- 1) suliaqarnermi ilitersuutit malinneqarnissaa aamma
- 2) innaallagissap aqutaasa imminnut akunnerminni kiisalu innaallagissap aqutaasa aamma nunap aam-ma atortut allat ungasissusiit ima annertugisumik annikillissanngitsut, tamanna pissutigalugu navianartor-siortitsisinnaallutik.

**§ 123.** Suliaqarnermi suleqatigiinni peqataasut suliamik ingerlatsinerup nalaani

- 1) suleqatigiinnik aqutsisup ilitersuinerup malissavaat.
- 2) isumannaallisaanermut ungasissutsit nalunaarneqarsimasut eqqortissavaat, kiisalu
- 3) sulineq unitsissavaat sumilluunniit ilimaginggisamik pisoqartillugu.

*Imm. 2.* Sulineq imm. 1, normu 3 naapertorlugu unitsinneqarpat sulinermi suleqatigiinnut peqataasut sule-qatigiinnik aqutsisoq ilisimatissavaat aamma suliaqarnermut ingerlaqqinnissaanik suleqatigiinnik aqutsi-sut akuersissuteqarnissaa utaqqissallugu.

**§ 124.** Suleqatigiinnik aqutsisup suliaqarnerup naammassineqareernerata kingornatigut,

- 1) nakkutigissavaa sakkut, atortut aamma savequtit atortunit peerneqarnissaat,
- 2) misissussavaa sakkut, atortut aamma savequtit suliaqarnerup nalaani aserorneqarsimanersut,
- 3) misissussavaa atortup suliaqarnerup nalaani ajoqusersimanersoq, kiisalu

4) inuit tamaasa suliaqarnermik ingerlatsinermut attuumassuteqarsimasut ilisimatissavai suliaqarnerup naammassineqarsimanera pillugu, aammalu isumannaallisaanermut iliuutsit aamma illersorneqarnissamut atortut unitsillugit.

## **Kapitali 19**

### *Suliaqarnermi periutsit sakkortuumik sarfallit ilaasa sarfaqartut sanianni suliaqarnermut tunngatillugu*

**§ 125.** Suliaqarnermi periutsip nalaani piffissaq tamakkerlugu ikinnerpaamik inuit marluussapput, taak-kununga ilaalluni suleqatigiinnut aqutsisoq najuutissaaq.

**§ 126.** Sakkortuumik sarfallit ilaasa sarfaqartut eqqaanni suliaqarnek inummit paasisimasalimmi suliarineqassapput.

*Imm. 2.* Sulineq inunnit ilitersorneqarsimasunit ingerlanneqarsinnaasoq suleqatigiinnik aqutsisumik aqutsisoqarluni aamma nakkutilliisoqarluni, tamatumunga tunngaviussaaq navialisoqarsinnaaneranik naliilineq. Taamaattorli tamatumani pineqanngilaq sakkortuumik sarfallit ilaasa sarfaqartut eqqaanni aaqqiiniarluni sivikitsumik suliaqarnek, tak. §§ 129-132.

**§ 127.** Suliaqarnerup naammassineqarnerata kingornatigut illersuiniarluni iliuutsit pilersinneqarsimasut piarneqassapput, taamaattorli tak. imm. 2.

*Imm. 2.* Illersuiniarluni iliuutsit pilersinneqarsimasut aatsaat piarneqassapput suleqatigiinni aqutsisup:

- 1) Qulakkeereerpagu sakkut, iliuutsit aamma atortussiat attuumassuteqanngitsut atortup ilaannit piarneqareernerat, aamma
- 2) suliaqarnermi periutisini peqataasunut tamanut nalunaarutigereerpagut illersuiniarluni iliuutsit piarneqassasut.

*Imm. 3.* Periarfissaanngippat imm. 2, normu 2 malissallugu, taava allatut qulakkeerneqassaaq navianartumik pisoqannginnissaa,

**§ 128.** Suliaqarnermi periutsit §§ 67-68-imi aamma §§ 123-126 piumasaqaatinut ilaatinneqanngitsut makkuupput, naak sarfaqartut ilaasa eqqaanni qanillattorfusinnaasup killingani suliaqarnek ingerlanneqaraluartoq:

- 1) Suliaqarnek ingerlanneqarsinnaasoq § 43, imm. 1-imik eqqortitsilluni.
- 2) Atortuni suliaqarnek atortut ilaat sarfaqartut suliaqannginnermi tamakkerlugit assersorneqarsinnaasut atortut ilanngullugit sananeqarsimasut imaluunniit atortumut ilanngullugit pisarineqarsimasut atorlugit, tassani malinneqarluni pisiffigisap atortup atorneqarnissaanut ilitersuutai.
- 3) Maskiinani portusuuni sulineq imaluunniit ingerlaneq, tassani isumannaallisaanermut ungasissutsip malinneqarnerata naammaginarnera maskiinat sumiiffimmi ingerlaffini assiaqusersuisimanikkut imaluunniit assartuineranut aqqusinerni nalunaaqutsersuinikkut.

*Atortut sakkortuumik sarfallit sarfaqartut eqqaanni aaqqiiniarluni  
sivikitsumik suliaqarnek*

**§ 129.** Illersuiniarluni aaqqiissutiniq pilersitsiniarneq navianarpat aaqqiiniarluni suliaqarnerit sivikitsut suliarineqarsinnaapput, navialisoqarsinnaaneraniq naliliineq tunngavigalugu isumannaallisaanermut iliuutisunik allanik pilersitsinngikkaluarluni, isumannaallisaanermut ungasissuseq taamaallaat eqqortillugu, taamaattorli tak. § 84:

- 1) Atortuni taakkununga naatsorsuussaasuni aallaqqaataanit aallartittussanngortitsineq.
- 2) Qanoq imaqtiginerinik aamma gasinik attuutsinaveersaataasunik misissuineq aamma taakkununga immeeqqinneq.

**§ 130.** Suleqatigiinnik aqutsisup suliaqarnermi periuttip aallartinneqannginnerani suleqatigiit tamaasa makku pillugit ilitsersussavai:

- 1) suliaqarnermi periuttip annertussusia,
- 2) atortut ilaat sarfallit sumiiffiup suliaqarfiup qanittuiniittut,
- 3) sulinerup qanoq ingerlanneqarnissaa aamma
- 4) isumannaallisaanermut ungasissusissatut aalajangersarneqarsimasut.

**§ 131.** Navialisinnaanermut nalilersuinerup tamanna pissutissaqartippagu, taava suleqatigiinnik aqutsisup inummik isumannaallisaasussamik toqqaassaaq, taanna sulinerup periuttip ingerlanneqarnerani inummik suliamik ingerlatsisumik nakkutiginnissaaq, aamma kalerrissallugu isumannaallisaanermut ungasissusissaq qaangilissagaluarpagu.

*Imm. 2.* Inuk isumannaallisaasoq suliap ingerlanneqarneranut nammineq peqataassanngilaq aamma amerlanerpaamik inuit marluk nakkutigissavai, taakkua suleqatigiillutik suliamik ingerlatsippata aamma imminut qanillutik inissisimappata.

*Imm. 3.* Suleqatigiinnik aqutsisoq nammineq tassaasinnaavoq inuk isumannaallisaasoq, tak. imm. 1.

**§ 132.** Suleqatigiinnik aqutsisup sulinerup naammassineqarnerata kingornatigut qulakkiissavaa, tassa

- 1) sakkut, savequtit aamma atortussiat atorineqartussaannngitsut atortunit peerneqarnissaat, aamma
- 2) atortup ingerlaqqilerneru.

## Kapitali 20

### *Atortunik innaallagiartortunik misissuineq aamma aserfallatsaaliuineq*

**§ 133.** Atortunik innaallagiartortunik piginnittup qulakkiissavaa atortup atortut innaallagiartortut pissusissaanik aalajangersakkat naapertorlugit suliarineqarsimanera, tassa suliarineqarnerata nalaani imaluunniit piffissami kingusinnerusumi allanngortinneqarnerani atuuttut naapertorlugit.

*Imm. 2.* Ledningit silaannakkoortut 40 kV sinnerlugit sarfallit, 1. juuli 1980 sioqqullugu suliarineqarsimasut, imm. 1 apeqqutaatinnagu atortunik innaallagiartortunik suliaqarnermi isumannaallisaaneq pillugu nalunaarut naapertorlugu suliarineqarsimassapput, tamatumani pineqarpoq nunamit inisisimanerisa portussiat aqutit kissarnerpaaffianni.

**§ 134.** Atortunik innaallagiartortunik piginnittup qulakkiissavaa nunamut ingerlanermi innaallagissap akimmisaanera atortup nunamut ikkussamut piumasaqaatit naapertorlugit suliarineqarsimanissaa, tassa piffissami atortup suliarineqarnerani atuuttut naapertorlugit.

**§ 135.** Atortunik innaallagiartortunik piginnittup qulakkiissavaa atortup tulluartumik akuttussuseqartumik misissorneqartarnissaa, taanna atortut ataasiakkaat ingerlanneqarnerani pissutsinut naleqqussagaasaaq.

**§ 136.** Atortunik innaallagiartortunik piginnittup qulakkiissavaa ledningit silaannakkoortut tulluartumik akuttussuseqartumik misissorneqartarnissaat, taamaaliornikkut inunnut, uumasuutitut imaluunniit illuutitut navianaqqunagit.

**§ 137.** Atortunik innaallagiartortunik piginnittup qulakkiissavaa atortut nunamut attaveqaataasa tulluartumik akuttussuseqartumik misissorneqartarnissaat, aamma atortut nunamut ikkussilluni attaveqaataasa pitsaassusiata allanngortannginnissaa.

*Imm. 2.* Imatut pisoqartillugu nunamut attaviusut ilaat ajoqusersimatillugit taava atortut nunamut ikkunneqarsimasut taamatuttaaq tulluartumik misissorneqartassapput.

*Imm. 3.* Atortut nunamut attaveqaataasa misissorneqarneri aamma innaallagissap ikaarsaariarnermi akimmisaarneranik uuttuisoqarsimappat inernerit pillugit nalunaarusiortoqassaaq. Nalunaarusiaq ingerlatsinermik pitsaassutsimik qulakkeerinninnermut atortumi toqqorneqassaaq, toqqorsimaneqassallunilu nalunaarusiamik nutaamik suliaqarnissap tungaanut, tak. ilanngussaq 1, immikkoortoq VI, normu 7.

## **Kapitali 21**

### *Ingerlatsinerup pitsaassusianut qulakkeerinninnermut atortoq (SKS imaluunniit KLS-D)*

**§ 138.** Atortumik innaallagiartortunik piginnittup ingerlatsinermut pitsaassutsimut qulakkeerinninnermik pilersitsissaaq aamma taanna suliffeqarfimmut ingerlatsinermut akisussaasuusumut atugassanngortissavaa, taamaattoqli tak. imm. 2-3.

*Imm. 2.* Atortunik innaallagissamik pilersuinnermik piginnittut 8 MW-imik minnerusumik imaluunniit assinganik sakkortussuseqartunik 1000 V a.c. imaluunniit 1500 V d.c. sinnerlugit qaffasissusilimmik sarfaqartunik imm. 1-imi piumasaqaatinut ilaatinneqanngillat, imaappat atortumik ingerlatsinermut aqutsineq suliffeqarfimmi ingerlatsinermut akisussaasuusumik isumagineqarluni, taannalu pitsaassutsimut qulakkeerinninnermut atortumik pilersitsisimalluni.

*Imm. 3.* Innaallagissamik sakkortuumik sarfalinnik ikkussukkanik piginnittuiusut imm. 1-imi piumasaqaatinut ilaatinneqanngillat, imaappat atortumik ingerlatsinermut aqutsineq suliffeqarfimmi ingerlatsinermut akisussaasuusumik isumagineqarluni, taannalu pitsaassutsimut qulakkeerinninnermut atortumik pilersitsisimalluni.

**§ 139.** Pitsaassutsimut qulakkeerinninnermut atortoq, atortup innaallagiartortup ingerlanermini nioquttissiarisaanut naleqqussarneqassaaq, taanna atortumik ingerlatsinermut aamma suliffeqarfiup aqqis-suusaa nerata ilusaanut atatillugu pilersinneqarpat.

**§ 140.** Ingerlatsinerup pitsaassusianut qulakkeerinninnermut atortumut ilaassapput ilanngussaq 1-imi allaaserineqartut, taamaattoqli immikkoortoq III-miittut ilaannaat, tassa atortup suuneranut attuumassuteqartut aamma atortumi ingerlatsinermut aamma suliaqarnermut periutsit suuneri apeqqutaatillugit.

*Imm. 2.* Suliffeqarfiup ingerlasinermut akisussaasuusup ilitersuutit, suleriaatsit, nassuiaatit aamma ator-tussiat allat ingerlatsinermit pitsaassutsimut qulakkeerinninnermut atortumut tunngasut tunniussinnaavai.

**§ 141.** Ingerlatsinerup pitsaassusianut qulakkeerinninnermut atortoq pappiaranngorlugu imaluunniit e-lektroniskiusumik uppersaasarsugaassaaq taakkunungalugu ilaassapput uppersaasarsuutit attuu-massuteqartut aamma nutarterneqarsimasut tulleriiarluarneqarsimasut aamma paasiuminartunngukkat.

*Imm. 2.* Atortumik innaallagiartortunik piginnittup uppersaasarsuutit pitsaassutsimut qulakkeerinnin-nermut ilaasut naniuminarnissaat qulakkiissavaa.

**§ 142.** Atortumik innaallagiartortunik piginnittup qulakkiissavaa, tassa

- 1) ingerlatsinerup pitsaassusianut qulakkeerinninnermut atortup, atortumik atuisunit tamanit pissarsiari-neqarsinnaanissaa,
- 2) uppersaasarsuutiniq allannguutit pilertortumik aamma sunniuteqarluartumik atortumik atuisunut tamanut ilisimatitsissutigineqartarnissaat, kiisalu
- 3) pitsaassutsimut qulakkeerinninnermut atortup suliffeqarfimmi ingerlatsinermut akisussaasuusumi a-tuutilersinneqarnissaa aamma ingerlaavartumik atorneqartarnissaa nutarterneqartarnissaalu.

**§ 143.** Atortumik innaallagiartortunik piginnittup ingerlatsinermut pitsaassutsimik qulakkeerinninner-mut atortup isumannaatsumik toqqortarissavaa.

*Imm. 2.* Qarasaasimi (elektroniskiusumik) toqqortarinninneq imatut pissaat piffissaq toqqortarinniffiusoq tamakkerlugu periarfissaassalluni, atortup ilaanit tulluurtunik pissarsisoqarsinnaassalluni.

*Imm. 3.* Ingerlatsinerup pitsaassusianut qulakkeerinninnermut atortoq Innaallagissiornermut Oqartussat noqqaassutigippassuk tunniunneqassaaq.

**§ 144.** Atortumik innaallagiartortunik piginnittup qulakkiissavaa suliffeqarfimmi namminermit kukkuner-siuisoqarnissaa, taamaaliornikkut ingerlatsinerup pitsaassusianut qulakkeerinninnermik atortup pitsaas-sua aamma atuutilersinneqarsimanera misilinneqarniassamat.

*Imm. 2.* Suliffeqarfimmi namminermit kukkunersiui-neq pitsaassutsimik qulakkeerinninnermut atortunik kukkunersiui-nermit nunat tamalaat akornanni nalinginnaasut atorneqartartut akuerisaasut naapertorlugit ingerlanneqartassaaq, imaluunniit ikinnerpaamik ukiumut ataasiarluni suliffeqarfimmi namminermit kuk-kunersiui-nermut pilersaarut malillugu.

*Imm. 3.* Suliffeqarfimmi namminermit kukkunersiui-neq kukkunersiuisunit, atortumik innaallagiartortumik ingerlatsinermut namminneq peqataanngitsunik, ingerlanneqartassaaq aamma atuarsimanermikkut kiisa-lu piviusumik suliffeqarfimmi namminermit kukkunersiui-nermik misilittagaqartunit.

*Imm. 4.* Atortumik innaallagiartortunik piginnittup qulakkiissavaa suliffeqarfimmi namminermit kukkuner-siui-neq pillugu nalunaarusiortoqarnissaa, tassani tunngavigineqassaaq suliffeqarfimmi namminermit kuk-kunersiui-neq ingerlanneqartoq. Kukunersiui-nermit nalunaarusiami uniinerit paasineqartut, pitsanngor-titsinissamat siunnersuutit aamma pitsaassutsimik qulakkeerinninnermut atortoq pillugu oqaaseqaatit taakkualu uppersaasarsorneqassapput, tak. ilanngussaq 1, immikkoortoq VI, normu 8.

**§ 145.** Atortumik innaallagiartortunik piginnittup qulakkiissavaa pitsaassutsimut qulakkeerinninnermut atortup nalilersorneqartarnissaa nunat tamalaat akornanni qulakkeerinninnermut atortunut nalinginnaa-

sut atorineqartartut akuerisaasut naapertorlugit imaluunniit ikinnerpaamik ukiumut ataasiarluni.

*Imm. 2.* Nalilersuineq taamatuttaaq ingerlanneqartassaaq ajutoornernut aamma pisunut isumannaallisaa-  
nermut attuumassuteqartunut atatillugu.

**§ 146.** Atortumik innaallagiartortunik piginnittup qulakkiissavaa iliuutsit naleqqussaanner-  
mut pisariaqar-  
tut aallartinneqarnissaat unioqqutitsinerit pinngitsoortinniarlugu, tamakkua nalaanneq-  
aqqissanngimmata.

*Imm. 2.* Iliuutsit naleqqussaanner-  
mut tunngatillugu aallartinneqartut pitsaassutsimik qulakkeerinninner-  
mut atuisunut ilisimatitsissutigineqassapput.

**§ 147.** Atortumik innaallagiartortunik piginnittup qulakkiissavaa iliuutsit pinaveersaartitsissutaasut pisa-  
riaqartut aallartinneqarnissaat, tassa isumannaallisaa-  
nermut tunngasunik ajoqutinik aamma amigaataasu-  
nik paasisaqartoqarpasut.

## Kapitali 22

### *Pineqaatissiissutit*

**§ 148.** Uppernarsaasersuutiniq suliaqanngitsoornerit tak. § 4, immi. 2, unioqqutitsinerit ukuninnga §§ 6,7,  
9 aamma 10, atugassarititaasunik aalajangersarneqarsimasunik unioqqutitsinerit ukuninnga § 11, imm. 5,  
imaluunniit unioqqutitsinerit ukuninnga § 18, imm. 1, §§ 19-39, § 40, imm. 1, §§ 41-43, § 44, imm. 2-3, § 45,  
§§ 47-97, § 98, imm. 1, §§ 99-108, § 109, imm. 1, § 110, § 111, imm. 1-2, § 112, § 113, imm. 1, §§ 114-  
120, § 121, imm. 1-2, §§ 122-126, §§ 128-129, § 130, imm. 1-2, §§ 131-136, § 137, imm. 1, § 138, § 139,  
imm. 1, aamma §§ 140-147, pillaa-  
mmik akiliisinnerqarnermik kinguneqarsinnaapput.

*Imm. 2.* Inuit inatsisitigut pisinnaatitaasut pisussaataasullu pillaa-  
mmik akiligassamik akiliisussanngortin-  
neqarsinnaapput Kalaallit Nunaanni pinerluttulerinermi Inatsit naapertorlugu.

*Imm. 3.* Pillaa-  
mmik akiliisitsinerit nalunaarut manna naapertorlugu Nunatta Karsianut nakkartinneqas-  
sapput.

## Kapitali 23

### *Atuutilersitsineq aamma ikaarsaariarnermi aalajangersakkat*

**§ 149.** Nalunaarut atuutilissaaq ulloq, 1. januaari 2020.

**§ 150.** Suleqatigiinnissamut isumaqatigiissutit 1. januaari 2020 sioqqullugu suliarineqarsimasut, nutaanik  
isumaqatigiissusiornissap tungaanut, atuutiinnassapput. Taamaattorli isumaqatigiissutit taaneqartut ki-  
ngusinnerpaamik 30. juuni 2021 allanngortinneqarsimassapput.

**§ 151.** Innaallagissiornermut Oqartussanut ingerlatsiner-  
mut aqutsisut 1. januaari 2020 sioqqullugu nalu-  
naarutigineqarsimasut atuutiinnassapput, taakkua atorunnaarnissaasa imaluunniit akuersissutit utertin-  
neqarnissaasa tungaanut.

*Imm. 2.* Ingerlatsiner-  
mut aqutsisut Innaallagissiornermut Oqartussanut 1. januaari 2020 sioqqullugu na-  
lunaarutigineqarsimasut, pisussaaffinnut ilanngutissapput najoqqutassaaq manna naapertorlugu suliffeqar-



finnut ingerlatsinermut akisussaasuusunut aamma inummut ingerlatsinermut akisussaasuusumut pisis-  
saaffigilerneqartunut.

*Innaallagissiornermut Oqartussat, ulloq 12. december 2019*

Michael Petersen

/

Jane Lynge Hansen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut